

心小腸部

癰疽


腫瘍

潰瘍

癰疽所兼諸症

久漏瘡

癰疽心小腸部





醫學綱目卷之十八

心小腸部

癰疽

腫瘍

潰瘍

癰疽所兼諸症

又漏瘡

虛實

腫瘍者癰疽未見膿而腫者也潰瘍者癰疽之膿已潰出者也丹溪云腫瘍內外皆壅宜以托裏表散為主設欲行太黃者宜審其虛實之原瘍潰內外皆虛宜以補接為主設欲行香散者宜防其虛虛之失由是言之則癰疽之腫時與潰時不同今分腫瘍潰瘍為二門

腫瘍

癰疽方腫未見膿者也

托裡疎
通行榮
衛三法

癰疽者火之屬須分內外若其脈沉實當先疎其內以絕其原也其脈浮大當先托裏恐邪氣入內也有內外之中者邪氣至其邊絕經絡故發癰腫經曰榮氣不從逆于



肉理乃生癰腫此因失托裏及失疎通又失和榮衛也治
 瘡之大要須明托裏疎通行榮衛三法托裏者治其外之
 內疎通治其內之外行榮衛者治其中也內之外者其脉
 沉實發熱煩躁外無焮赤痛甚邪氣深于內也故先疎通
 臟腑以絕其原外之內者其脉浮數焮腫在外形証外顯
 恐邪氣極而內行故先托裏以防其干也內外之中者外
 無焮惡之氣內亦臟腑宜通知其在經當和榮衛也用此
 三法之後雖未瘥必無變証亦可使邪氣峻減而易痊也
 痘疹之發其受之有內外之別治之有寒溫之異受之
 外者法當托裏以溫劑反用寒藥則是皮毛始受之邪引
 入骨髓受之內者法當疎利以寒劑反用溫劑托裏則是
 骨髓之病上徹皮毛表裏通潰共為一瘡助邪為毒苦楚
 百倍輕則危殆重則死矣予聞黎古云瘡瘍之生也表裏

表裡寒
溫之異

不同或攻或發少有差舛變証隨能殺入甚于傷寒也針
 灸施治各隨其宜所用之藥又當明入五臟君臣是其法
 也
 脈沉安痛深者宜寒劑
 疎通利之

黃連 芍藥 當歸 枳榔
 木香 黃芩 梔子 薄荷
 桔梗 甘草 連翹
 右除枳榔木香為末外並剉每服一兩水一盞半煎一
 盞先吃一二服次每服加大黃一錢再加一錢以利為
 度如有熱証止服黃連湯太便秘澁加大黃如無熱証
 止用復前散時時啞之如此內外皆通榮衛和調則經

地之濕氣感則害入皮肉筋脉浮而滑所以有泄之
發之之異也

瘡發
表為

丹癰疽因積毒在臟腑非一朝夕今發于外宜以標本為
治當先助氣壯胃使根本堅固而以行經活血為佐余以
經絡時令使毒氣外發此症仲景解表用麻黃桂枝之意
施治之早可以內消此乃內托之本意也
垣通父家霍梗於虎鬻上足太陽經生癰堅硬腫痛大作
左右尺脉俱緊按之無方

羌活 二錢
黃柏 酒洗各 二錢
防風 錢一
蒼朮 錢一
連翹 各一
肉桂 分七
甘草 炙
蒼朮 錢半
陳皮 各五
當歸 分一
黃芪 半一
右作一服酒二大盞水一大盞煎至一盞去渣熱服空
心以來被蓋覆其癰使藥行罷去之一服愈

丹王姑丈七十餘患項疽脉實而稍大此因憂悶而生大
陽經治之

歸頭 二錢
黃柏 半一錢
黃芪 錢一
羌活 錢一
地黃 酒 炒
黃芩 炒酒
桔梗 錢一
黃連 酒 炒
連翹
防風
甘草 生
人參
陳皮
防已
澤瀉 分五
白水煎服
麻黃 錢一
桂枝 二錢
草薹 錢一
當歸 稍分七
紅花 少許
羌活 錢二
防風 錢一
柴胡 錢一
升麻 分半
連翹 錢一
桔梗 分五
甘草 分五
生地 分五
黃芩 酒 錢一
蒼朮 錢一
右剉如麻荳大都作一服水二大盞煎至一盞去渣稍
熱服

陽明分
野藥

尹老家素貧寒形志皆苦于手陽明經分出癰第四日忽
腫幼有癰疽其臂外皆腫痛先腫在陽明左右寸皆短中
得之俱弦按之洪緩有力此癰得自八風之變以脈斷之
邪氣在表然其症大小便如故飲食如常腹中和口知味
知不在裏也不惡風寒止熱躁脈不浮知不在表也表裏
既和知邪止在經脈之中凝滯為癰出身半已上風從生
受之也故與卻寒邪和經脈中氣血使無凝滯也白芷升
麻湯

白芷分七

升麻

桔梗各五分

甘草炙

黃芩生

歸稍

生地各一錢

酒黃芩

黃芪

連翹各二錢

中桂少

紅花少

右水酒各一盞同煎至一盞臨卧熱服一服愈

此症雖曰經脈之中然得之自八風之變其藥制度皆

發表之意

婦人兩乳間出黑頭瘡瘡頂陷下作黑眼子其脈弦洪按
之細小

升麻

連翹

葛根各一錢半

肉桂分三

黃芪

歸身

甘草各一錢

黍粘子五分

黃栢二錢

右作一服水一盞酒半盞煎至一盞二服愈

羅子之則瘡已 丁巳年委子從軍回佳曹州有趙同知

舅經歷病頭面赤腫耳前後尤甚疼痛不可忍發熱惡寒

牙關緊急涕唾稠粘飲食難下不得安臥一瘍醫腫上砭

刺四五百餘針腫赤不減其痛益甚不知所由然予往診

視其脈浮緊按之洪緩此寒覆皮毛鬱遏經絡熱不得升

聚而赤腫經云天寒地凍則水水人氣在中皮膚緻腠理

脈浮緊者宜解表

閉汗不出血氣強內堅濇當是之時善行水者不能注水
 善穿地者不能鑿凍善用針者亦不能取四厥必待天溫
 冰釋凍解而水可行地可穿人脈亦猶是也又曰冬月閉
 藏水冰地拆故用藥多而少針石也宜以苦溫之劑溫經
 散寒則已所謂寒絀滕理以苦發之以辛散之也宜以托
 裏溫經湯麻黃苦溫發之者也防風辛溫散之者也升麻
 苦平葛根甘平解肌出汗專治陽明經中之邪故以為臣
 血流而不行者則痛以香白芷歸身辛溫以破血散滯濕
 熱則腫蒼木苦甘溫躰輕浮力雄壯能泄皮膚滕間濕熱
 人參甘草甘溫白芍藥酸微寒調中益氣使托其裏也故
 以為佐各剉如麻苳大同秤水煮餌之以薄衣覆其手以
 厚被覆其身且卧于暖處則經血溫滕理開寒乃散陽氣
 伸大汗出腫減八九再服去麻黃防風加連翹黍粘子痛

腫悉去經言汗出則瘡已信哉

托裏溫經湯治寒覆皮毛鬱遏經絡不得伸越熱伏榮中
 聚而赤腫痛不可忍惡寒發熱或相引肢躰疼痛

麻黃去節

白芷

當歸各二

防風去

葛根各三

升麻四

甘草炙

白芍藥各半

人參

蒼木各一

右剉如麻苳大每服秤一兩水二盞先煮麻黃冷沸熟
 去沫再下餘藥同煎至一盞去渣大溫服訖卧于暖處
 已以綿衣覆之得汗而散

少陽厥陰分野藥

通 浦津王世祥年七十感寒濕地氣二月間得附骨癱于
 左腿外側足少陽之分少侵足陽明分濶六七寸長一小
 尺堅硬漫腫不辨肉色皮澤深以指按至骨大痛又行步
 作痛與藥下咽疼痛立止二日後柔軟而腫消矣

柴胡 黍粘子各錢半 連翹 肉桂各一錢
 黃芪 當稍各二錢 黃柏 甘草各五分

升麻七分

作一貼好酒一盞半前至一盞大溫空心食消盡服之
 少時以早膳壓之使不令太熱上攻犯吐中二焦也
 賈德茂男十歲四月天氣太熱于左足太腿近膝股內足
 厥陰肝之經少侵足太陰脾之經分出附骨疽不辨肉色
 漫腫皮澤木硬痛勢甚大其脉左三部細弦按之洪緩畧
 有另

黃芪二錢 柴胡稍一錢 羌活伍分 連翹一錢
 肉桂三分 土瓜根三分 生地 黃柏酒洗二分
 當歸尾七分

右作一服酒一盞水三盞前至一盞空心熱服一服愈

垣內托榮衛湯治風濕熱鬱其手足少陽致血脉凝逆使
 榮衛周身元氣消弱其風熱滯于下其面色必赫赤而腫
 微黯色風水之性上衝顏必忿色其人多怒其瘡之色亦
 赫赤腫硬微帶黯色其瘡之形勢亦奮然高起結硬而作
 痛其脉洪緩而弦宜發其汗而通其榮衛則邪氣去矣

黃芪兩半 桂枝各五錢 防風一錢 羌活一錢
 黃芩一錢五分 當歸各一錢半 連翹二錢 柴胡各一錢
 甘草各一分 人參各一錢 蒼朮三錢 紅花各三錢

右咬咀只作一服水酒各一大盞同煎至一盞溫服
 右九方皆東垣及羅謙甫丹溪隨癰疽所發分野制之
 也其方皆以發表為先不過一二服而愈如癰疽發在
 太陽經分野必用防風羌活陽明經分野必用香白芷
 升麻少陽經分野必用柴胡太陰經分野必用芍藥升

脉有刀
者春夏
宜寒涼
解表

消縮毒金根散治但疼痛不急脹

麻少陰經分野必用獨活厥陰經分野必用青皮柴胡皆以桂枝佐之身半已下者必用酒水多熟煎之空心服使藥下行身半已上者必用酒水少帶生煎之臨臥服使藥上行脈細小無力必于本經藥中加辛熱劑脉洪大有方必于本經藥中加苦寒劑隨症加減活潑潑地其効如神真良醫也

乾葛

甘草

鬱金

川芎

瓜蒌根

白芷

右等分並生為末每一錢温酒入蜜調下不拘時此藥大散五臟積毒凝滯日三服

垣羌活當歸湯治腦疽

黃芩

黃連

歸身

甘草

酒炒

酒炒

酒浸

炙

羌活

黃栢

連翹

澤瀉

獨活

藁本

防風

梔子仁

右咬咀分作四服水一小椀先浸一時許入酒一匙煎至八分去渣太温服食後日二服和香計六服三日服盡去渣清藥調下後棋榔散

棋榔散用棋榔為細末將羌活當歸湯調下

黃栢當歸湯治背疽

黃栢

黃芩

當歸身

甘草

黃連

防風

澤瀉

山梔

知母

地骨皮

連翹

右咬咀分作四服每服水一小椀浸一時許入酒一匙煎至八分去渣調下棋榔散太温服與前藥同
丹呂孺人惡寒發熱腹上有小疽此血少有熱與此藥

白朮 川芎三錢 赤芍藥 連翹二錢
 陳皮 防風 黃芩二錢 木通半錢
 甘草五

分五貼水煎服

丹治好酒婦人用酒煨大黃取汗法見膏梁條

脈無力者秋冬宜溫熱解表

精要十宣散

人參 當歸 黃芪各二
 川芎 防風 厚朴 桔梗
 官桂 甘草 白芷各一

右為細末每服二錢加至六錢止熱酒調下日數服以多為妙不飲酒者用木香濃煎湯下然不若酒力之勝也許學士云此方得于都下異人濟苦者不可計數陳無擇謂此藥在第四節服者非也早服中病者必消散

羅千金托裏散治發背疔瘡方見

消子托毒散治癰疽初起高腫發痛不定喘息氣粗方見

附子一枚泡 麻黃 甘草
 去皮尖當歸 羌活 石葦
 官桂 川芎 龍胆草

右九味等分為末每服二錢水一大盞姜三片鹽少許同煎

丹一男子年五十餘形實色黑背生紅腫近胛骨下痛甚脈數而洪脛食亦嘔正冬月與麻黃桂枝湯加酒黃栢生附子括萎子甘草節羌活青皮人參黃芪半夏生姜六貼而消此非內托之意歟

精五香湯 木香 沉香 麝香 乳香

丁香

粉草

人參

黃芪

犀角

右每服四錢水二盞煎至一盞不拘時服

五香連翹湯

乳香三分

甘草三分

木香三分

沉香各三分

丁香兩半

連翹

射干

升麻

黃芪

木通

桑寄生無升麻陪之

獨活各三

麝香錢

右咬咀每服三錢水一盞煎至七分溫服太便秘者加大黃

大黃

內托散一名護心散一日至三日之內宜連進十數服

真藜蘆粉兩明乳香半兩慢火于銀石器中炒手研撓使乾急傾出扇冷研極細用

右研令勻每服二錢至三錢濃煎甘草湯調下時時細

有丹石毒者宜解毒

雜方

咽喉要藥常在胸膈間若毒衝心有嘔逆之証大宜服此如有寒而嘔逆不宜服此當用辛熱

丹溪云內托散藜蘆解毒又治石毒味甘入陽明胃性寒能補為君乳香去惡腫入少陰性溫善宣為佐甘草性緩解五金八石及百藥毒為使此方專為服丹石而發疽者設若不因丹石而發疽恐非必用之劑又云內托散性涼治嘔有降火之理

排膿湯方

甘草兩

桔梗兩

生姜兩

大棗十枚

右四味以水三升煮取一升溫服五合日再服

本托裏排膿生犀散

皂角刺不拘多少粗

右置瓶中搥泥固濟炭火燒過存性放冷出研為細末

每服一錢薄酒微溫調下暑月陳米飲下

緊保安湯治瘡托裏或已成者速潰

瓜蒌新者一個去皮火焙沒藥通明者一錢研金銀花 甘草

生姜各半兩

右為細末用好無灰酒三升于銀石器內煎至二升分作三盞三次飲盡病微者只一服如服托裏藥不能發散又作瘡者用此

精柞木飲子

乾柞木葉四兩 乾荷葉中心蒂 乾萱草根

甘草節地榆各一兩

右細剉每服半兩水二碗煎一碗分作二服早晚各一服未成者自消潰者自乾其荷葉去惡血管根下水解毒利胸膈柞木有芒刺能驅逐地榆主下焦血病輕小

毒小者輕劑內消

証候或可倚仗

精車螯散

車螯兩股通赤本車螯云車螯解酒毒 生甘草 輕粉五

右一處為細末每服四錢濃煎括麥酒調下五更服轉

下惡物為度未知再用効在五香之上本草云車螯大蛤也一名蜃

又方車螯四個黃泥固齊火煨赤出火毒一宿 瓜蒌一個去皮瓦上炒香

燈心三十 甘草節五

右為粗末作一服酒二盞煎一盞去渣入蜜一大匙和勻每用酒八分盞車螯末二錢膩粉少許調勻空心溫服取下惡物黃涎為効

丹云車螯散一以輕粉為佐一以燈心為佐其散腫消毒下積安詳穩重輕小症候可以倚仗

治背瘡荆芥穗木鱉子仁大黃歸頭甘草節除荆芥穗為

毒深者重劑攻

看外餘各等分酒水各一椀煎至七分空心向東飲即下
積與粥便止若結成者用川練子七枚燒灰酒下次與十
四枚又次與六一枚三貼後雖結亦少氏

千漏蘆湯治癰疽丹痲惡肉時行熱毒赤腫

- 漏蘆 連翹 黃芩 白欬
- 枳殼 升麻 粉草 麻黃
- 朴硝各一兩 大黃半兩

右除硝外每服二錢水一盞姜三片薄荷三葉同煎溫服取利為度

精漏蘆湯

- 生黃芪 連翹 沉香 漏蘆各一兩
- 粉草半兩 大黃一兩

右為細末每服二錢薑棗湯調下

內消升麻湯治血氣壯實若患癰疽大小便不通

- 升麻 大黃各一兩 黃芩半兩 枳實炒
- 當歸 芍藥 甘草各一兩

右咬咀水煎食前

羅內消丸治瘡腫初生及癰癧結核熱毒鬱滯服之內消

- 薄荷葉 皂角不姓者水煮至軟各半斤煎膏 牽牛半斤取頭末
- 青皮 陳皮各一兩 沉香兩 廣茂炮
- 京三稜炮各三錢

右為末入牽牛頭末用煎膏和丸如棗葶大每服三十丸煎連翹湯送下食後

孫真人單煮大黃湯脈實沉而數膏深食肉之輩大腑秘者詳審用之

- 錦文大黃酒洗去皮
- 右一味剉如麻葶大水煮服

精神仙追毒丸能解一切毒如被狐狸毒鼠惡菌河鮑毒
疫死牛馬肉毒蛇犬惡虫所傷又治癰疽發背及療魚臍
瘡人多不識喚作癰疽致命殺人者及治諸風癰疥赤腫
癩等

五倍子種破洗

山茨菰去皮淨

麝香二錢研入

千金子

即續隨子去壳研

山荳根兩

紅牙大戟

去芦洗淨焙

雄黃各一兩

全蝎兩

硃砂

雄黃各一兩

右除千金子麝香外七味為細末却入研藥別勻用糯
米飲為丸分四十九每服一丸生薑薄荷汁并花水研
服昔有一女子久年病瘵磨一丸服之一時吐下小虫
千餘條半月即無事 丹溪云神仙追毒丸其五倍子
消毒殺虫解風為君山茨菰千金子大戟皆驅逐走泄

瘡高而
薄暈其
痛在外

之劑佐以麝香升散若用之固裏以發表實非所宜苟
能灼見臟腑有積毒異虫深痼而躰不虛者亦是快藥
古人兵曰義兵刑曰祥刑戒勿輕干用也
帝曰癰疽何以別之岐伯曰榮衛稽留于經脈之中則
血泣而不行不行則衛氣從之而不通壅遏而不得行故
熱大熱不止熱勝則肉腐肉腐則為膿然不能陷肌膚骨
髓不為焦枯五臟不為傷故命曰癰

疽平而
大堅其
痛徹心

帝曰何謂疽岐伯曰熱氣淳盛下陷肌膚筋髓枯內連五
臟血氣竭當其癰下筋骨良肉皆無餘故命曰疽
劉涓子云疽發或如小癰觸則徹心痛四邊微起如橘皮
腫冷發渴發逆治之難愈
如黍米大三兩日如掌面大五七日如椀面大即易治如

孔色紅赤不全變膿水不甚出至七八日疼悶喘急不止
又云始發腫高五指忽平陷者此內攻之候也精要云生
疽處不熱不痛低陷者此為內發難治必死

疽者上之皮夭以堅上如牛領之皮癰者其皮上薄以澤
此其候也癰疽篇○精要云小按乃痛者病勢淺大按乃痛者病勢深此辨癰疽之法也

瘡子云癰疽有三等毒氣浮淺屬腑猶傷寒毒氣沉深
屬臟猶傷寒毒氣猛烈而行經絡或淺或深無定五臟六

瘡宜發
表發穴

腑皆受五毒難為調理唯宜急切猶傷寒兩感於癰發諸
處不問虛實高腫起盛光澤疼痛只在皮膚之上熱急脹
滿或有痒疼別無惡候初用溫藥平氣次用排膿發穴

治癰所謂出氣者乃犀角飲之類其方用犀角連翹漏
蘆甘草當歸肉桂皆發表之藥也所謂發穴者乃棘針
之類用皂角刺為君甘草川芎乳香為佐使亦托裏之

疽宜發
內補虛

藥也然不若蒙古東垣諸方發表托裏為穩當

疽發諸處不拘大小精要謂廣一尺二惟起在背廣一尺二
尺三尺皮厚而紫黑高腫不常內疼如錐刺攻擊滿悶應

四肢重疼前心亦痛餘處發猶可唯虛處及近筋骨處若
膿毒未潰即傷爛筋骨肉損為疽者屬五臟毒氣深沉多

氣伏硬堅實而不宜緩慢治之須內實五臟外透皮膚冷
軟勻和即膿透宜用內托實臟氣之蒸排膿勻氣乃可不

此癰之毒氣浮淺也丹作二類治之
凡一切瘡腫始覺患起高腫五七日忽平陷者此是內攻

之候也急以內托散及內補湯藥補填臟腑令實最怕透
膜膜穿十無一生矣

癰之邪淺其稽留壅遏獨在經脈之中而專攻于外故初
發時自表便發執患處便如枕如盆高腫而痛甚者縱欲

補虛法

下陷緣正氣內固不肯受邪故或便秘或發瀉發逆以拒之
是以骨髓終不焦枯五臟終不傷也疽之邪深其稽留壅
遏內連五臟而不專攻于外故身軀或無熱患處或不腫
痛甚者聲嘶氣脫眼黑眼小十指腫黑如黑多死也治之
之法癰之初發當以潔古法為主表者散之裏者下之火
以多之藥以敷之膿未成者必消膿已成者速潰也疽之
初發當以消子法為主補填臟腑令實勿令下陷之邪蔓
延外以火灸引邪透出血使有穴歸着而不亂則可轉死回
生變凶為吉今世外科不分癰疽一例宜熱拔毒外以五
香耗其氣內以大黃竭其血終不能自悟其藥之非惜哉

治癰疽初覺腫結未成可以消散毒飲子
黃芪二兩 甘草炙 天羅生 山藥炒
鬼腰帶葉半兩生竹箬陰溫石岸終石而生者好絡
末者無用其藤系細兩葉相對形生二角

右為粗末每服三錢水一盞煎至七分入酒三盞同煎
一二沸去渣溫服

精神効托裡散治癰疽發背腸癰癩癰無名腫毒炊赤疼
痛憎寒發熱不問老幼虛弱並治之

黃芪去 忍冬藤葉各五 當歸一兩
粉草錢八

右為細末每服二錢酒一盞半煎至一盞病在上食後
服在下食前服少填再進留滓外傳

保諸瘡瘍痛色變黑紫者回毒金銀花湯
金銀花并梗 甘草一兩

右用酒二升用重湯煮三兩時去渣溫服
本黃芪散

綿黃芪一兩 甘草半兩 皂角刺揀紅紫者剉

右細末每服二大錢酒一盞乳香一塊煎至七分去渣

海黃芪湯與四物相和亦名托裏湯血氣齊補也

黃芪四物湯
人參 黃芪 白朮 茯苓
芍藥 甘草 生薑 當歸
地黃 川芎 多加金銀花煎服

本內固黃芪湯

綿黃芪 人參各半

右細末入真生龍腦一錢研細生藕汁和丸如菽豆大
每服三十九溫熱水下加至四十九日三服

五八嬌年六十歲昔生瘡脉洪大數午後惡寒發熱食

連翹

茯苓五

黃芪生三錢

砂仁錢三

人參錢二

甘草錢

陳皮

白朮錢

分十貼煎服
右方皆以黃芪為君甘草歸參為佐乃實內補虛之中
兼托裏也

精阿膠飲子

明阿膠炒如珠

粉草各一兩

橘紅半兩

右咬咀分作三服再服以水一盞煎七分去渣溫服

又方牛膠飲截癰疽惡瘡發險處服之使毒氣不致于內

牛膠通明者四兩

用酒一碗入膠內重湯煮溶透攪勻傾

出更侵酒隨意飲能飲者以醉為度此法活久甚多

又方黃礬丸服過一兩已上無不取効最止疼痛不傷臟

腑活久不可勝數

白礬兩一

黃礬兩半

右和丸如桐子大每服十九丸漸加至五十九丸温酒送下如未破已消已破即冷下日服百粒則有功能防毒氣內攻尤能護膜始終須服半斤瘡愈後服之尤佳治蛇咬溶化白礬乘熱滴傷處痛即止一方用明礬飛過研細以鷄子二個取清調礬末稀稠如糊用無灰陳好酒放開服之膿未成者即消已成膿者從大小便出神効累驗其功大勝黃礬丸

國老膏治一切癰疽能消腫逐毒使毒不內攻其効不可具述

甘草大者二斤槌碎河水浸一宿揉令漿汁濃去盡筋滓再用絹瀝過銀石器內慢火熬成膏用器收之每服一二匙無灰酒或白湯亦可曾服燥藥丹劑者

亦解之

本事方每甘草一斤分作三服温酒調下今云一二匙恐力少也

遠志酒治一切癰疽發背癰毒惡候浸有死血陰毒在中則不痛傳之即痛有憂愁等氣積而內攻則痛不可忍傳之即不痛或蘊熱在內熱逼入手不可近傳之必清涼或氣虛血冷潰而不斂若七情內鬱治之必愈

遠志

不以多少為末酒一盞調末三盞澄清飲之以滓傳于患處

忍冬酒初發便當服此或貧乏中或居鄉僻田夫野老百發百中

忍冬藤

生取一把以葉入砂盆研爛入酒少許調和得所奎傳四圍中心留一息又取五兩用木槌碎不

死鉄矣

甘草一兩生剉

右二味入砂瓶內用水二碗文武火煎至一碗入好酒一大碗煎十數沸去渣分為三服一自連夜進盡病勢

重一日夜可二劑忍冬藤補血如氣虛及寒多人不
宜用是故曰夫野老百發百中也

丹阿膠飲牛膠飲黃蠶丸以牛皮屬金屬王補肺氣實大腸壯胃止泄黃蠶丸以蠟味甘淡入大腸有補難化國老膏以甘草化毒行經絡逐惡酒忍冬酒皆有補性歸心歸血用之頗切善用者以之配入治腫瘍之散結潰瘍之補虛亦奏捷功

右丹溪實內補虛法皆以參朮歸芪又甚者獨參膏其法並見後分經條及散見潰瘍門虛實寒熱條真轉死回生之捷法也

禁忌

癰疽當分經絡論 六陰經六陽經分布周身有多氣少血者有多血少氣者有多氣多血者不可一槩論也若夫要害處近虛處怯薄處前哲已曾論及惟分經之言未聞也何則諸經惟少陽厥陰經之生癰疽理宜預防以其多

氣少血也其血本少肌肉難長瘡久未合必成危証又云少陽經多氣少血與厥陰經同少陽有相火尤甚於厥陰經者其有不思本經少血遽用驅毒利藥以伐其陰分之血禍不旋踵矣請述一二成敗之迹以告來者予族叔父平生多慮質弱神勞年近五十忽有膊外側廉上生結核身微寒熱而易怒食味頗厚脈之俱浮大弦數而重以瀉予曰此多慮而憂傷血時在初秋勿輕視之宜急補以防變証以人參一斤作膏下以竹瀝病者膏招一外科以十宣五香散相間與服旬日後一日大風拔木病者發熱神思不佳急召予視之核稍高大似有膿于中起一紅線延過肩後斜走透背脊過入右脇下不痛覺背重而急迫食有嘔意脈同前但弦多且急作人參膏入芎朮生薑汁飲之用入參三斤瘡潰膿乾又與四物湯加參朮陳皮

甘草半夏生薑百餘貼而安此等若在春令雖神仙不治也幸而在秋金之令不幸因時下暴風激起木中相火而致此自非參膏驟補何由得免此正消子所謂補真臟肺紅腫下人脈下生紅腫皆由痛醫誤下之而死詳見後條或曰太陰經非多血少氣者乎何醫疽之生初無甚苦往往間有不救者吾早其能治之乎予曰醫居小腹之後而又在其下此陰中之陰也其道遠其位僻雖曰多血氣運不到氣既不到血亦罕來中年已後不可生癰總有痛腫熱之脈証但見虛弱便與滋補血氣無虧可保終吉若用尋常驅熱拔毒舒氣之藥虛虛之禍如指諸掌可不慎歟

邪風外入者多屬寒

索帝曰諸癰腫筋攣骨痛此皆安生岐伯曰此寒氣之腫八風之變也帝曰治之奈何岐伯曰此四時之病以其勝治之愈也脈要精微論

靈血脈榮衛周流不休上應星宿下應經數寒邪客之則血泣血泣則不通不通則衛氣歸之不得復反故癰腫寒氣化為熱熱勝則腐肉腐肉則為膿膿不瀉則爛筋筋爛則傷骨骨傷則髓消不當骨空不得泄瀉血枯空虛則筋骨肌肉不相榮經脈敗痛薰于五臟臟傷故死矣癰疽生氣通天論云勞汗當風寒薄為皴鬱乃座又云陽氣者開闔不得寒氣從之乃生木後榮氣不從逆於肉理乃生癰腫是亦寒邪從勞汗之隙及陽氣開闔不得其理之隙又客之為癰腫也觀此數論則知癰疽之發皆得之於寒邪所客也獨運氣瘡瘍一歲老幼相似之病間有熱者不可不知詳見運氣條

右經數節皆論癰疽乃因寒邪客之而發也治法則精要十宣散五香湯紫雪膏水復煎散等發表之劑是也

丹朱郎年四十餘患寒熱右腿內廉厥陰分生一腫毒此是冷折熱在肺經血分與此方

瓜萎子 黃蘗子 赤芍藥 當歸頭
條芩紅 青皮 皂角刺 桂枝紅

甘草節性一 右分四貼煎取一盞入忍冬藤汁二蛤殼食前煎飲以

忍冬藤查傳腫上
消安神散治諸色瘡腫調氣順榮衛

人參 茯苓 甘草炙 枳殼去穢
附子炮去 白姜 山藥 陳皮

右等分爲末每服一錢水一盞生薑三片大棗一個煎至七分通口服

膏梁內
癸者多

垣膏梁之變亦是滋味過度榮氣不從逆于肉理乃生癰

屬熱

腫榮氣者胃氣也飲食入于胃中先輸於脾而朝於肺肺朝百脈次及皮毛先行陽道下歸五臟六腑而氣口成寸矣今富貴之人不知其節法酒肥羊雜以厚味積久太過其氣味俱厚之物乃陽中之陽不能走于空竅而先行陽道今反行陰道則濕氣大勝于令母實火乃大旺熱濕既盛必來射腎若不慎房事損其真水則水乏而濕熱之化上行其瘡必出背脊及腦此爲大疔之最重者若毒氣出肺或脾胃之部分毒之次也若出于他經又其次也濕熱之毒所止處無不潰爛故經言膏梁之變足生大疔受如持虛者如持虛器以受物則無不受矣治大疔之法必當瀉其榮氣以標本言之先受病爲本非苦寒之劑爲主爲君不能除其苦楚疼痛也諸瘡瘍有痛往往多以乳香沒藥雜以芳香之藥止之必無少減之理此其悞也若使經

絡流通臟腑中去其壅滯必無痛矣痛則以苦寒之劑除之無不愈者瘡瘍食肉與自殺無異法當瀉氣而反補之故也

元好問飲酒太過脈候沉數九月間腦下項上出小瘡不痛不痒如白頭瘡凡四日後腦項麻木腫勢外散熱毒癩癩又二日痛大作夜不得寐醫處以五香連翹湯後再邀東垣診視云骨梁之變不當投五香連翹湯已無及矣且疽已八日當先以火攻之然後用藥以火文炷如兩核許者攻之百壯始覺痛次為處方云是足太陽膀胱之經其病逆當反治脈中得弦緊按之洪大而數又且有方必當伏其所主而先其所因其始則同其終則異必先歲氣無伐天和以時令言之可收不可汗經與病俱禁下法當結者散之賊以裏之然寒受邪而禁賊遂制黃連消毒飲治

之

黃連五分

黃芩五分

黃柏五分

人參五分

知母四分

羌活錢一

獨活五分

防風五分

藁本五分

連翹錢一

黃芪錢一

甘草五分

蘇木五分

當歸身

生地

澤瀉

陳皮

歸稍

蘇木

熟地

歸稍

蘇木

下

歸稍

蘇木

所用之藥

酒洗併入

酒煎者

右俱作

服水三盞

煎至半乾

後溫服

投劑之後

太昇日出

乃瘡

瘡腫減七分

精神旺

醫學綱目卷五

三

飲啖漸進冬瘕漸膿出而痊服藥後不得飲水必再作膿効遲初患三日者服之立効凡瘡皆陰中之陽陽中之陰二証而已東垣治疽陽藥七分陰藥三分名曰昇陽益胃散老人宜之亦名復煎散或加沒藥乳香各一錢

右東垣論膏梁肉食之變治宜苦寒不宜芳香者如解裏條撮要內消升麻湯孫真人單煮大黃湯皆為富貴食肉之輩設也

丹嘗治一婦人年將七十形實性急而好酒腦生疽十五日脈弦緊急且瀆予急用大黃酒煨細切酒拌炒為末又酒拌炒人參入姜煎調一錢重又兩時再與得睡而上半身汗睡覺病已此亦肉托之意也

排膿散方

枳實十六枚 芍藥六分 桔梗三分

右三味杵為散取鷄子黃一枚以藥散與鷄子黃相等揉和煎如薄粥溫服一升即瘥

丹朱紹八官右脚腫生附骨癰吃草藥酒多生隔痰熱壅無分

人參 黃連 茯苓錢一 瓜蒌子四十八粒

分三貼入竹瀝熱飲

保諸瘡腫已破未破爛腫者當歸散主之

川芎 黃芪 括萎 木香

黃連各等分

右為粗末水煎一兩服如痛而太便秘加大黃三錢

治足癰疽外冷內疼者由陰氣外逼皮虎用執物慰之大小亦不覺者須用執物前後慰令透隨手便用急潰膿

外冷內疼者宜執物敷

毒藥使膿外出盡腫平即用生肉煖瘡和正氣藥令進飲
食不捲

治癰疽發背初腫時方

風化石灰兩細辛一兩

右為粗末用熱醋傳患處乾再傳三上其腫即消

四虎散治發背初生筋脉緊急不舒

附子生去皮天南星泡半夏湯洗狼毒各半

右四味為末熱酒調成膏攤上腫處以熟絹壓定覺患
處如火燒不妨

外熱內
涼者宜
涼藥敷
貼

凡癰疽外熱內疼者是有客邪內有積毒欲作膿透之候
治背瘡初發時小後五七日赤腫高即疊藥令內毒散滅
痰免牽引乳香膏

乳香兩 青薄荷葉四兩

右研勻厚卷患處以青絹蓋之如乾以新汲水潤之常
令濕其熱毒自然消散如熱毒攻結不可用氣毒攻結
可用
貼癰毒令內消金黃散

白芷 白芨 白欬

右等分為細末用新汲水調傳

丹治陽症腫毒并金瘡

大粉草剉細用竹一段刮去青兩頭留節開一小竅
入草在內滿後却用油灰塞竅從冬至日放糞缸內
待立春日先一日取起堅在有風無首陰處二十一
日驗兩竅好却破竹取草為細末用水調傳

世園藥 南星 草烏 黃柏

白芨各二 五倍子炒一兩

右為末調如糊隨血圍匝如墻壁可移險處於不險處
如神

傳藥白飲

貝母各等分

白芷

南星

白芨

右為末水調傳外用圍藥束定內用傳藥提起制之有

理

藥性論甘蕉根搗傳一切癰腫上乾即更傳無不瘥者

梅治癰疽發背或發乳房初起微赤不急治之即死速消

方搗芋根傳之數易效

溶諸瘡腫痛不可忍者以葵花根去黑皮搗爛若稠點并

花水少許若不稠不須用水以紙攤如膏藥貼之立效

方用蜀葵付之亦妙

世又方芙蓉葉搗爛合之立效晒乾為末水調傳亦妙

發背蝸牛百箇活者置淨瓶內新汲水一盞浸瓶中封固
自晚至曉其水如涎取水將真蛤粉不拘多少調之刷瘡
上效

丹治青癰與癰久年烟壁土黃栢等分細末生姜汁捏成

膏傳之夏以茅香湯下一二錢妙驗

本治癰疽止痛拔毒七寶散乾荷葉心當中如錢片不計

多少為粗末每用三匙水二盞慢火煎至一碗半放溫淋

洗乾以太白膏傳之

太白膏寒水石飛用臘月猪脂調成膏隨瘡大小用薄紙

攤貼之

寒執道用敷貼

飲瘡內消方黃明膠一兩水半升鎔消了入黃丹一兩再

煮三五沸又放溫冷以鷄毛掃在瘡口上如未成即塗腫
處自消

外凡癰不問已潰未潰者以膠一片水浸令軟隨腫大小貼當頭上開一孔若已潰合膿者當被膠急發之膿皆出盡未有膿者腫當自消矣

治發背秘法李北海云此方神受極奇秘以甘草三大兩生搗別篩末大麥麩九兩於一盤中相和攪令勻取上好酥少許別捻入藥令勻百沸水搜和如餅劑方員大干瘡一分熱傳腫上以油紙隔令通風冷則換之已成者膿水自出未成者腫便內消

丹隔皮取膿法治諸般腫毒

驢蹄細切 蕎麥麩兩 白鹽研 草烏細燻 右為末水調作餅子慢火炙黃出火毒研米醋調成膏用白帛攤貼患處毒自毛竅而出其腫自退

保治瘡瘍焮腫木硬針頭散

右以蟾酥乳香各一錢同研勻細以兒乳汁和如泥入磁石盒收之乾不妨每用以唾調搽少許於腫處上以膏藥貼之毒氣自消雖然有瘡亦輕

濟萬應針頭丸治一切腦背疽惡毒大瘡欲死者一粒即愈

麝香仁 血竭三 散者不用非真 輕粉三

蟾酥三 試辣者研砂三 片腦一 蜈蚣全 用

右為極細末煉蜜和丸為劑如瘡有頭者用針頭挑破微有血出將藥一黍米大放挑開瘡肉上用棉花周圍唾津濕貼瘡上不過時刻即愈如兩腋見無頭瘡即是暗疔即將兩手虎口內白土紋用針挑破如前法用藥封蓋忌鷄鷩酒濕麵一切發熱之物

子和一省椽背項常有瘰癧愈而復生戴入曰太陽血有

餘也先令涌泄之次於委中排針出紫血病更不復作也
予男交常喜熱火烘灼其背及兩足又食自死肉父而兩
足常生癰毒愈而復生者半年餘予以清涼飲子下之得
紫黑血積於使中去者月餘其癰毒頓除是知積熱毒致
癰腫者如此

沉寒

李世英患疽數日後根脚開大或腹疼泄瀉手足常冷脉
沉微細或自汗出急用姜附之藥其著於臍下關元著艾
三五百壯待手足溫泄瀉止飲食知味方可為善

精憤鬱不遂志欲之人多犯此疾
無癰疽瘰癧不問虛實寒熱皆由氣鬱而成經云氣宿于
經絡與血俱滯而不行壅結為癰疽不言熱之所作而後
成癰者此乃因喜怒憂思有所鬱而成也
遠志酒治七情內鬱成癰疽方見虛

精獨勝散治癰疽皆緣血滯氣凝而致者

香附子去毛令淨以生姜汁淹一宿焙乾研極細

右無時以白湯調二錢服之又云疽疾多因怒氣得之
若有此疾必多怒但服香附進食寬氣自有效

丹獨勝散治氣鬱血滯而諸瘡愈後常服半年尤妙此皆
施于体實氣鬱之人予見吳兄厚味氣鬱而形實性重年
近六十患背疽醫與他藥皆不行惟香附末飲之甚快始
終只此一味腫潰恃此以安然此等体實而又病實乃瘡
千百而一見者也每思香附經不言有補惟不老湯一方
乃言於老人有益用片子姜黃香附子甘草三味而以不
老為名且引鍊養先生與劉君為証夫豈無其故哉蓋于
行氣中有補之之理耳天之所以為天者健而有常也因
其不息所以生生無窮正如芫蔚子活血行氣有補陰之

妙故名益母胎前產後所恃者氣血耳胎前無滯產後無虛以其行中有補也夏枯草治瘰癧亦然

補遺謂婦人男子癰疽治法無異惟月閉血虛氣結三証

有異耳愚謂婦人海滿則行月閉一証固異然婦人性情

執着比之男子十倍雖有虛証宜補亦當以執着為慮向

見樓氏婦早寡善飲啖形肥律性沉毒年六十六七月間

生背疽近正春醫遂橫直裂開取血雜以五香十宣散與

酒飲之月餘未嘗議其寡居之鬱酒肉之毒執着之滯時

令之熱卒至于平陷淹延兩三月而不救

六脈不和則留為癰全文見五臟此則

諸痛痒瘡瘍皆屬于心全收見診河間云人近欲氣微

瘡皆心火之用也或痒痛如針右心火實則為熱瘡心火虛則為寒瘡

藏府

肺乘肝即為癰腎移寒於肝癰腫少氣全文見診病

肝藏血肝病則血從之而榮脾移寒于肝癰腫筋攣

氣逆于肉埋生癰腫是也本治發背方草决明生用一升搗碎生甘草一兩亦碎水

三升煮取一升温分二服木抵血滯則生瘡肝為血之臟

而决明和肝氣不損元氣也本草云决

三陽為病發寒熱下為癰腫三陽小腸膀胱也下為瘡腫

類是也運氣

運氣癰疽有四

一曰火熱助心為瘡瘍經云少陽所至為瘡疹又云少陰

司夫熱氣下臨肺氣上從甚則瘡瘍又云少陰司夫之政

初之氣寒乃始陽氣鬱炎暑將起中外瘡瘍又云少陽所

至為瘡瘍又云少陽司夫之政風熱參布太陰橫流寒乃

時至民病寒中外發瘡瘍初之氣候乃太温其病膚腠中

運氣

瘡二之氣火反鬱其病熱鬱於上瘡發于中三之氣炎暑至民病膿瘡又云太陽司天之政初之氣氣乃大溫肌腠瘡瘍此皆常化病之淺也又云少陰司天熱淫所勝其則瘡瘍又云少陰司天客勝其則瘡瘍又云少陰之復病癩疹瘡瘍癰疽疔毒又云火太過曰赫義其病瘡瘍血流又云火鬱之發民病瘡瘍癰腫此是邪變病之甚也

二曰寒邪傷心為瘡瘍經云太陽司天之政三之氣寒氣行民病寒反熱中癰疽注下又云太陽司天寒淫所勝血變于中發為癰瘍病本于心又云陽明司天之政四之氣寒雨降民病癰腫瘡瘍是也

三曰燥邪傷肝為瘡瘍經云木不及曰委和上商與正商同其病支發癰腫瘡瘍邪傷肝也又云陽明司天燥淫所勝民病瘡瘰癧癰病本于肝是也

四曰濕邪瘡瘍經云太陰司天濕氣變物其則身後癰又云太陰之勝火氣內鬱瘡瘍于中流散於外是也

丹精要第一論曰凡有此病未要辨問是癰是疽是虛是實是冷是熱首先便服內托散五香連翹湯宜世毒氣又云內托散五香連翹湯沉麝湯等諸方不冷不熱不問老幼少壯陰陽虛實多服為妙夫癰疽瘡癤臟腑陰陽有淺深虛實冷熱用藥有補瀉溫涼老幼少壯其稟受厚薄形志苦樂隨年歲而增損奈何欲以不冷不熱四五方而通治之又多服為妙此不能無疑者也學者當審經絡察病機而處治豈可仗此為通治之法

丹東陽李兄年踰三十形瘦膚厚連得憂患又因作勞且過于色忽左腿外廉側上發一紅腫其大如栗一醫聞其大腑堅實與承氣湯一貼下之不効又一醫教與大黃硃

少陽攻裡之候

砂生粉草麒麟竭又二三貼半月後召予視之曰事去矣
又一李兄四十餘面稍白神甚勞忽脇下生一紅腫如桃
一人教用補劑眾笑且期於是以致氣飲十宣散雜進之
旬餘後召予視之予曰非惟不與補劑抑且多得解利氣
血俱備難矣已而果然

此二者皆由不預防本經少陽少血遽猛浪用大黃攻
裏而死者也

少陽攻
表之候

一男子年近六十形素肥初夏於左膈外廉側生一核方
圓二十餘不甚痛召予治診其脈息緩大而弱予曰此因
憂悶而生當氣升散之時須急與人參膏五六斤又看作
何應病家召他外科以十宣散五六貼而瘡甚予曰此本
虛也勿以輕小視之病家不信一外科仍以十宣散進之
又五六貼瘡平陷出清水而死此可為因虛而生癰疽者

針灸

之例 胡經歷女及笄性急而形實未許嫁厚味積毒已
深髀骨中痛者年餘醫以氣藥雜治之愈而復發至秋冬
令忽大痛發熱醫者方悟髀樞穴上生附骨疽在外廉側
少陽之分其厚味性急自若自首至尾悉是五香湯十宣
散服至瘡潰猶與五香湯者月餘忽一日惡寒發熱膈滿
醫者不悟升散太多陰血已絕孤陽狂越于上猶恨服五
香飲欠多致膈間有滯大服以進一夕喘汗而死

此二者由不預防本經少陽血少遽猛浪用十宣五香
表散而死者也可不戒哉

靈帝曰病之生時有喜怒不測飲食不節陰氣不足陽氣
有餘榮氣不行乃發為癰疽陰陽不通兩熱相搏乃化為
膿小鍼能取之乎岐伯曰聖人不能使化者為之邪不可
留也故兩軍相當旗幟相望白刃陳于中野者此非一日

之謀也能使其民令行禁止士卒無白刃之難者非一日之教也須臾之得也夫至使身被癰疽之病膿血之聚者不亦離道遠乎夫癰疽之生膿血之成也不從天下不從地出積微之所生也故聖人自治于未有形也愚者遭其已成也黃帝曰其已形不予遭膿已成不予見為之奈何岐伯曰膿已成十死一生故聖人弗使已成而明為良方著之竹帛使能者踵而傳之後世無有終時者為其不予遭也黃帝曰其已有膿血而後遭乎不遭之以小針治乎岐伯曰以小治小者功小以大治大者多害故其已成膿血者其惟砭石鉞鋒之所取也黃帝曰多害者其不可全乎岐伯曰其在逆順焉爾玉版篇○逆順法見潰瘍疹條

無治初生癰疽發背神效灸法累試有驗江陵府紫極觀因得石碑載之凡人初覺發背欲結未結赤熱腫痛先

以其紙復其上立視候之其紙先乾處則是結癰頭也取大蒜切成片如當二錢厚安頭上用大艾炷灸之三壯即換二蒜片痛者灸至不痛時住不痛者灸至痛時方住最要早覺早灸為上如有頭似麻莖大者不用濕布覆法只消頭上灸之若有十數頭作一處生者即用大蒜研成膏作薄餅鋪頭上聚艾于併上燒之一二月十灸十活三四日六七月五六日三四活

海灸而不痛痛而後止其灸而不痛者先及其潰所以不痛而後及良肉所以痛也 灸而痛不痛而後止其灸而痛者先及其未潰所以痛而次及將潰所以不痛也 **精痒者灸至不痒痛者灸至不痛大醫以百壯為準又云**譬如諸盜入主人之家必開門逐之使出萬十門不開無從而出必傷主後已

本上遠發背方序云元佑三年夏四月官京師疽發於背

召國醫治之逾月勢益甚得徐州蕭縣人張生以艾火加
 瘡上自且及暮凡一百五十壯知痛乃已明白鐸去黑痂
 膿盡潰肉理皆紅亦不復痛始別以膏藥貼之日一易焉
 易時旋剪去黑爛月許瘡乃平是歲秋夏間京師士大夫
 病疽者七八余獨生此雖司命自然固有料理不知其方
 遂至不幸者以人意論之可為慨然於是撰次前從所得
 方模板以施庶幾古人濟衆之意此即當頭隔蒜灸法但不用蒜耳

精史源母氏背間微痒視之有赤半寸許方有白粒如
 粟黍乃急着艾灸其赤隨消二七壯而止信宿復覺微痛
 視之有赤下流長二寸潤如菲葉舉家皆以前灸為悔或
 云等慈寺尼智全者前病瘡甚大得灸而愈奔問之全云
 劇時昏不知但小師輩言范八奉議守定灸八百餘壯方
 甦約艾一節爾亟歸白之見從始以艾作炷如銀杏大灸

其上十數殊不覺痛乃截四旁赤引其炷減四之三皆覺
 痛七壯後覺痒每一壯燼則赤隨縮入灸至二十餘壯亦
 暈收退病者不懼遂以艾作團大灸其上漸加至鷄黃大
 約四十圍方覺痛視火焦處已寸餘蓋灸之遲而初發處
 肉已壞壞肉成膈直至好肉方痛四旁知痛肉未壞也病
 者六夜不寐至是食粥安寢至晚視之瘡如覆一甌窠高
 三四寸上有百數小竅色正黑突然高者毒氣出外而聚
 也百數小竅者毒未聚而浮攻肌膚也色正黑者皮與高
 俱壞也非灸火出其毒於壞肉之裡則五臟逼矣

瘡君當癰疽頭針而瀉之氣避筋骨

疽地之濕氣自外而入氣癰瘍當先服藥而後用針針時
 先用溫火復蓋不令凝治壅滯使血脈得溫小行則血出
 立已若不如此血不凝滯使針刑毒不瀉反傷良肉益其

瘡腕也嬰兒瘡亦為然

精騎竹馬灸法先令病人以肘凭几豎臂腕要直用篾一條自臂腕中曲處橫紋男左女右貼肉量起直至中指失盡處截斷為則不量指甲却用竹拄一條令病人脫衣騎定令身正直前後用兩人扛起令脉不着地又令一人扶定勿令僵住却將前所量臂腕篾至竹拄坐處尾骹骨盡處直向上貼脊背量至篾盡處為則用墨點定此只是取中非灸穴也却用薄蔑作則子量病人中指節相去兩橫紋為則男左女右截為一則就前所點處兩邊各量一則盡處即是灸穴兩穴各灸五壯或七壯止不可多灸不問癰疽生何處並用此法灸之無不愈者蓋此二穴心脉所通處此癰疽皆心火留滯而生灸則心火流通即見安愈可以起死救危有非常之效累試累驗

詳臂腕中曲處橫紋即曲澤穴間橫紋非掌後腕之橫紋也

凡癰疽之發或因內有積熱或因外寒鬱內熱若於生發之際艾灸以散其毒治之于早可以移深為淺改重為輕諸項灸法皆好惟騎竹馬灸法尤為切要此消患於未形之策

凡瘡可灸刺者須分經絡部位血分多少腧穴遠近若從背而出者當從太陽五穴隨証選用或刺或灸泄其邪氣

凡太陽多血少氣

至陰 通谷 東骨 崑崙 委中

從髮而出者多從少陽五穴選用 少陽少血多氣

竅陰 夾溪 臨泣 陽輔 陽陵泉

從髑而出者多從陽明五穴選用 陽明多血少氣

厲兌 內庭 陷谷 衝陽 解溪

從腦而出初覺腦痛難忍欲生瘡也腦者髓之海當灸刺絕骨以泄邪氣髓者舍也故脈浮者從太陽經依前選用脈長者從陽明經依前選用脈弦者從少陽經依前選用論曰諸經各有井榮輸經合井主心下滿及瘡色青榮主身熱及瘡色赤俞主軀重節痛及瘡色黃絡主咳嗽寒熱及瘡色白合主氣逆而泄及瘡色黑各隨經病而見此証者或宜灸或宜針以泄邪氣經云邪氣內畜則壅熱宜砭射之也

右保命集分經灸刺乃大綱耳令更取靈樞經脈篇及銅人等書毫分縷析出各經分野在針門十二經條列為之圖目之曰經絡分野圖使大視之心自瞭然目無

全牛矣夫癰疽初發必先當頭灸之以開其戶次看所發分野屬何經脈經脈既定却內用所屬經脈之藥引經以發其表外用所屬經脈之俞穴針灸以泄其邪內外交治邪無容也針灸癰疽者更於針灸門十二經脈分野圖求之

甲 癰疽竅陰主之 頭項癰腫不能言天窓主之

乙 邪氣不傷於腸胃大便如常慎不可下切禁之

非秘結
積熱者
忌人黃

丙 精要云大黃治癰疽之要藥以其宜熱拔毒又云瘡始作皆須以大黃等湯極轉利之且排日不廢繼又自言患癰疽者每有泄瀉皆是惡候此是不能無疑者也借曰前用大黃恐因病軀實而大腑秘結有積熱沉痼之積者發也止可破結導滯推令轉動而已豈可謂極轉利之而且排日不廢乎若下利之後又與利藥恐非防微杜漸之意

瘡之始作即周禮腫瘍之時也腫在肌肉若非大滿大實
堅之証自當行仲景發表之法借五香湯為初散之於外
何必遽以峻下之藥以奪其裏自取其禍乎
精要云夫凡癰疽不可舍五香湯此又不能無言者也開
卷便於第一論中詳言之吾不知良甫之時有許多大腑
堅秘病氣鬱塞若是之頑厚可以驟散而大下者若果有
之亦當開陳時之先後証之可否庶乎後人不敢孟浪殺
久也或曰癰疽用大黃走泄以去毒自孫真人行千金方
已言之矣良甫祖述其說何吾子病之深也曰大黃除諸
實熱而性峻急孫以盛行奇術於公卿間時在晚宋民不
知兵交游於富貴之家肉食之輩固皆捷效今良甫不分
貧富苦樂勞逸一槩用之寧無孟浪之患乎况有房勞而
虛者愚怒而虛者極意貪求而虛者強力動勞而虛者太

醉過飽而虛者皆因氣弱而瀉血少而濁生疽固是難治
之病若大腑秘而稍安穀食肯守戒律甘心淡味者猶為
可治但費補工夫耳苟因旬日半月太便秘實不知其氣
不降也便以為實而行大黃些少寒熱不知其血氣不和
也便以為有外感而行表散如此害人甚速

疽瘡及諸病面赤雖伏火熱禁不得攻裏為陽氣怫鬱
邪氣在經宜發表以去之故曰火鬱則發之雖大便數日
不見宜多攻其表以發散陽氣必加潤燥藥以潤之如見
風脈風証只用發表風藥便可以通利大便若只乾燥秘
瀉尤宜潤之慎不可下也九竅不利皆不可下瘡瘍鬱冒
俗呼昏迷是也慎不可下汗之則愈

丹排膿內補十宣散若用之于些少癰疽與冬月儘可助
內托之功若于冬月腫瘍用之亦可轉重就輕移深為淺

宜忌
施於夏
月與潰
瘍

若潰瘍與夏月用之其桂朴之溫散佐以防風白芷吾恐
雖有參芪難為倚仗此見世人用此方者不分癰疽冬夏
無經絡無先後如盲人騎瞎馬半夜臨深池危哉 又云
內補十宣散瀉衛燥血藥人多止可用于輕小証候虛之
甚者恐難倚仗

內托忌
施於年
老與體
虛

精要云內托散一白至三日之內進十數服治毒氣攻衝
臟腑名護心散此方專為服丹石而發疽者若不因丹石
而發恐非必用之劑若夫年老病深者証備者躄重者
葉豈雖補將有不勝重任之患矣

忌奪汗
散也

仲瑒家雖不疼痛不可發汗汗之則痊發汗謂大汗出非
謂諸托裏之藥輕
李世英疽不熱不痛屬陰切不可用冷藥敷貼恐逼毒氣
入內

熱內鬱
忌冷藥
敷貼

忌奪血

夫外施敷貼藥止與發表之意同經曰發表不遠熱大凡
氣得熱則散冷則斂向見鄭經歷性嗜酒與煎燻年五十
餘忽春未夏初在額絲竹空穴湧出一角長短大小如鷄
距稍堅求予治予曰此非膏梁所致而何宜斷厚味先解
食毒針灸以開泄壅滯未易治也此少陽經所過氣多血
少者鄭以憚煩名他醫以天黃朴硝腦子等冷藥塗之丁
女豁開如蟬蛻徑三寸一二日後血自蟬中濺出高數尺
而死此冷藥外逼熱鬱不得發宜其發之暴如此也
蟬針法謂開門放毒以為要捷恐可施於輕小証候耳愚
謂蟬之所吮止膚間惡血若積毒于臟腑者徒竭之於外
而不及于裏恐未為得往見張兄之子甫一歲遍身赤瘡
如霞片予向見其母久病疔謂毒熱在血所成者張曰誰
不因母血所成何謂毒熱之血予曰其母雖疔食肉如平

醫方類聚卷之八

卷之八

時肉性熱與宿痰之熱相搏非毒數張不之信自取五六
大蟻咬其血癩頓消乳食起居如舊予曰非其治也未可
以為喜張怒越二三日大發熱而暴死非竭之於外血去
而氣不能獨居乎

治口乾
法

精要云口乾與口渴不同不宜用丹藥鎮墜用之其禍如
反掌用桑枝煎五味湯以救陰水甚妙方也而不言食味
起火怒氣生火房勞激火吾恐渴未易除也

灸法

精要謂頭上有發毒者不得灸恐因火氣拔起熱毒灸上
動病邪而添病愚謂此言過矣火本以暢達拔引鬱毒此
從治之意也頭為諸陽所聚之處灸宜小壯數宜少小
者如椒粒少者三五炷而已若孟浪如腹背上引痛灸至
不痛不痛灸至痛為例斯為誤矣

按東垣灸元好問腦疽以大艾炷如雨核許者至百壯

始覺痛而痊由是推之則頭上發毒灸之痛者艾炷宜
小壯數宜少如不痛者艾炷大壯數多亦無妨也又引
陳日華之說謂於始發時用針灸十死八九此未之思
也切詳因灸而死者必其血虛孤陰將絕無以承當人
氣脈必浮數而太鼓與精神必短而昏豈可泛言始發
不可灸以誤人

腦瘡疽已覺微漫腫硬皮不變色脈沉不痛者當外灸之
引邪氣出而方止經曰陷者灸之如外微覺木硬而不痛
者當急灸之是邪氣深陷也淺者不可灸慎之如有膿水
亦不可灸當刺之

按刺之膿出不腫痛者邪已去矣不宜灸若刺之膿出
而痛腫不止者亦當于腫上灸之無妨又毒雖淺却有
十數頭腫痛者亦灸之無妨

春夏宜
急生肌
肉

秋冬宜
壯胃氣

瘡一有癰疽瘡癤須順時節春夏為正易為整理緣天氣
溫和肌肉緩慢而煖故易治其有肉冷是患人氣虛所致
但以溫藥調順氣血外即用溫煖潰膿膏藥貼之令穴候
穴抽膿盡急用生肌長肉藥滿瘡口不宜緩慢恐至秋冬
成漏瘡也或在秋冬發者乃春夏內先有發蒸熱毒遇一
陰生後再有伏毒至秋冬間又因食毒物酒麪房慾之事
忽發初覺微小數日之間腫大疼不可忍初得大便五七
日不通小便淋瀝者是其候也先調脾臟氣令實次服發
穴排膿消毒去積之藥內托溫平不得用大熱滋之藥緣
脾中臟要和煖如用熱藥熱氣滯而不流暢致榮衛不調
也貼即用溫涼藥不得用冷藥恐逼入毒氣須引膿外透
方漸安矣

仲諸浮數脈應當發熱而反灑淅惡寒若有痛處當發其

癰

精陰滯于陽則發癰陽滯于陰則發疽而此二毒發無定
處當以脈別之浮洪滑數為陽微沉緩瀼為陰陰則熱治
陽則冷治

右陽脈當以癰法治之陰脈當以疽法治之不必拘於
熱治冷治也

疔身重脈緩濕勝者除濕身熱脈大心躁時腫乍來乍
去者清熱諸痛眩暈動搖脈弦者去風氣溢氣滯乾

燥亡津液脈溢者瀉氣補血寒勝則脈浮食不入便溺
多惡寒脈緊者宜瀉寒水腎脈溢甚為大癰全文見
虛實法

診察背

疔夫人生最可憂者發背也其種有五

一曰陽毒因風熱而有或患熱毒消渴或先患傷寒餘有
陽毒觸處畜積起于背脊脊之間不問稚穉但從兩夾脊

起止腰上滿背燉熱如炊之狀赤紫或紅如爛膿毒難成
成後不止止後痛不除暴忽數日之間復平如舊此謂腫
消此是內攻肉陷不可療矣

二曰陰毒發皆是氣冷而作初如黍米粒起情緒不快
暗而痛直應前心心忪怔頭目昏重寒熱如瘧五七日後
始發引攻腫開闊難收內積有膿深沈遲緩未透宜急以
補氣湯藥內托外以抽膿藥貼之宜急見膿無膿即平愈
未期

三曰有久多服金石燒煉之藥毒惡流滯成發背者初起
如丹疹之狀熱熱漸開如湯火瘡面色如朱心膈煩躁多
渴噦冷其瘡難起起即驚人猶勝于陰陽二毒者緣此有
解金石藥毒湯散治其內也賴有根底分明亦須急療方
安

四曰人有患酒食毒發背者此疾非近得之乃臟腑久積
乘飢乘困食之便睡或多食酒肉冷熱粘滑肥鮮熾膩未
下胸膈房室不禁恣意當風取快脾臟氣虛不能受乘發
毒攻背兩夾脊不問椎數初起癰頭如小彈子後大如拳
堅如盾痛遍四肢加之拘急口苦舌乾腹急大小便澀十
數日後頭面手足虛腫及臟腑通泄如利內急痛者是其
症也毒方腫引急用收腫發穴潰膿湯藥內實外泄膿水
不可放縱遲緩則皮肉腐壞傷骨爛筋漸成膿多因而感
邪內敗者死矣

五曰人有冒山嵐瘴氣發背毒氣先在臟腑年月浸遠氣
血虛損衰弱初起腫色青黑如靴皮頑痺痛深附筋骨徹
髓按之如木石引手加深方覺似有痛處至五七日毒氣
浮淺腫高色變青白有如拳打之狀寒戰似瘡及有風候

早治慎
重者生

淫療繼
恣者死

頭動口偏手足厥逆眼黑睛小白多而慢此內有邪氣相
搏急破出清血三五升方有黃膿白汁相和發泄其皮不
寬不慢亦急脹痛亦不在直至色退熱疼方愈亦宜急急
追趕膿與毒氣外出無害
初患腫三日內灸者生 八日內膿成針烙導引者生
未產慎勞力者生 慎息食者生 慎喜怒者生 懼腫
猛療者生 急療者生 不謹發背者生
待膿自出不導引者死 未內攻而針烙用藥導引者生
內攻後導引針烙者死 腫焮熱痛方盛已前療者生如
過此後已內攻者死 膿成後不出不導引但傳藥者死
如赤白痢氣急者是已內攻醫療無益必死 癰不救
十得五生疽不療十全死 輕腫怕痛者必死 不遇良
方者死 節候不依法者必死 愚執恣意用性逸情者

死

可治証

有發背癰有發背疽如毒氣勇猛而發如火焚字易于敗
壞初發即可如黍米粒大二兩目漸赤引腫如手掌面大
五七日如碗面大即易為攻焮熱赤引如火燒之狀浮面
漸潰爛開內發腫如炊之狀外爛皮肉如削去紫瘀膿
汁多而腫不退疼亦不止發渴發逆飲食不下嘔吐氣急
浮淺開闕者尤宜發膿托毒湯藥用之必愈陽証實也
其間有只如盤面大者此非不大緣為毒氣深沉內虛毒
氣近膜也此必內攻近入臟腑却外入四肢先攻頭面虛
浮後攻手面次攻兩足面腫名曰毒氣散入四肢其人聲
嘶氣脫眼睛黑小十指腫黑乾焦不洽陰証虛也
陰陽 癰其証屬陽勢雖急而易洽若初發如粟粒甚則如葶許

不洽証

陰陽

內外

雜方

與肉俱平或作赤色時覺疼痛時慎勿抵破此乃五臟
 不調為疽其証屬陰蓋毒氣內畜已深勢雖緩而難治
 始發一粒如麻豈大身軀便發熱生疽處腫大熱痛此為
 發於外雖大如盆治之百可百活陽症
 或身軀不熱自覺倦急生疽處亦不熱數日後漸大不腫
 不痛低陷而壞爛此為發於內雖神仙無知之何陰症
 保木香散治小兒斑後生癰如神出外
 地骨皮兩 木香兩 川山甲炙黃二錢五分
 麝香一字
 右末米飲下二錢
 潰瘍
 癰疽已潰膿出者也
 諸癰疽欲知有膿無膿以手掩腫上熟者為有膿不熟

膿成宜急破之

皮或薄者用替針丸

者為無膿
 凡癰疽按之牢韌未有膿也按之半軟半韌已有膿也
 宜急破之韌未詳何切半韌謂中央膿熟也
 凡瘡腫以手指從瘡旁按至四畔上赤黑者按之色不變
 膿已結成又按之隨手赤色此亦有膿按之良久方赤
 遊毒已息可就赤白色盡處灸斷瘡肉平實久而方消
 夫癰則皮薄腫高疽則皮厚腫堅初發宜灼艾惟瘡膿
 成則宜針疽膿成則宜烙 切宜熟視詳審候其潰熟膿
 透於外其勢盈盈欲出只用替針丸自瘡頭咬開不半日
 許其膿自出切勿用針刀也冊溪云精要論戒用針刀
 替針丸治癰疽已潰未破或破後膿出不快者
 白丁香一字 礶砂已上 沒藥字 乳香字
 石灰餅藥內種糯米十四粒其法用石灰五升爐灰三

升以水五升，淋取清汁，入大鍋內，熬濃汁至三五升，用瓦器盛貯。臨用時，以小青盞盛取半盞濃汁，却用皮紙貼盞中濃汁面上，安定，然後取糯米十四粒種在皮紙面上，一宿即是。

右為細末糯米飯，如麥粒大，每用一粒，未破用津貼瘡頭薄處，即破膿滿，不快則用一粒，納瘡口內，使膿不滯，好肉易生。

無替針丸

雄雀糞廿 硃砂 陳倉米 沒藥路一

右研勻，以米飯丸，如粟大，每用一粒，貼瘡口眼中，即潰膿出。

梅治諸癰，不消已成膿，懼針不得破，令速決，取雄雀糞，塗頭上，乾即易之。雀糞中，豎者為雄。

宜
鉸針以
取膿

本治癰疽，已有瘡眼，未出膿，痛不可忍，用此藥紙，即膿出。巴荳一個，去皮膜，不去心，油鹽鼓十四個，口中含去皮，令軟，同研爛，真射少許，如難丸，入少稀糊，捏作餅子，如鼠糞，大大小，臨時看瘡口，紙之，只以紙撚子，送入藥，須臾必痛，又之，良久膿遂出。

丹，出一切瘡口，出蛾爾，殼燒存性，無灰酒調下，每服一枚。服下，一個時辰，便有瘡口，一個若服兩枚，出瘡口兩枚。精癰成膿，宜針，其針用馬銜鐵為之，形如荊葉，兩面皆利，可以橫直裂開五六分許，取其毒血，如覺病輕，須先灸而後裂。

按癰如椒眼，數十粒，或如蜂巢，蓮房而膿出，痛不除，宜用針者，以針橫直裂之，則毒血挾膿出，而愈如無椒眼之類，只消直入取膿，不必裂之也。又法當椒眼上各上

灸之亦佳不必裂也

鉞針者未如劍鋒以取太膿針全文見

夫癰氣之息者宜以針開除去之病疑篇王註云息也死肉也今世用

刀割去死肉者是也治腐腫者刺腐上視癰小大深淺刺刺大者

多血小者深之必端內針為故正長刺節論曰大者多血小者深之入字衍文也

精疽成膿宜烙可用銀篦大二分長六寸火上燒令赤急

手熨烙毒上得膿為效皮厚毒深宜烙

凡癰覺在虛處及眼不見處皆是惡症如發高腫紫赤

皮薄光澤覺裏有膿毒諸藥貼熨不破者宜用熟銅鍼於

油火上燉透先用墨筆點定却當頭以針淺刺入隨針出

膿者順也有不隨針膿出者當用白紙作紙紐入針孔引

膿毒當時腫退可及三分如腫不退是一逆也腫不退疼

不除但膿出二逆也膿疼不退患人不覺瘡輕三逆也雖

用針破出膿亦無所濟須急用引膿托裏湯藥以助其勢

力可也更有癰生實處不問淺深如有膿即用針烙無害

稍遲緩即恐傷筋骨內疼凡近筋脈骨節處不得亂行針

烙反致他病也患疽初生赤硬或在虛處毒氣淺或在

實處毒氣深切須仔細辨認仍問患人疼痛覺深覺淺其

患處瘡頭不拘多少其間須有一個最大者即是太膿竅

當用熟鐵大針頭如釵脚者於麻油燈上燒令熱透以木

頭處按定捕入一寸或至二寸膿當下恐未有膿毒出却

用白紙作紙子紐入直候次日取出其膿即隨紙下矣膿

色黃白即好若赤黑色防後有鮮血出即患人寒戰不禁

其有虛處不得亂行針烙凡患發背覺似有膿成便用

大熟鐵針烙當正頭上烙之其烙並用麻油燈上燒令通

紅烙入可二寸許初入肉即須橫捕入不得正入恐烙透膜也如已有破處皮爛潰熟更不得用針烙如是橫長赤引開闊當須兩頭下火針令膿毒隨針引出肥人膿汁多瘦人膿汁少如肥人却少瘦人却多多是肉敗壞成膿少是肉不腐爛受氣實也尤宜詳審不可造次便行針烙亦看患人氣脈勻和榮衛氣不節滯血脈不致凝滯即行針烙無畏切須仔細患人氣虛脈氣大者亦不可亂行針烙針烙之法不可容易先看皮紋緊慢厚薄紫赤色太光澤者即可用針烙如皮肉未變不可用針針亦無濟太抵用針只欲引膿如針刺無膿是氣伏也不可用針烙

問或問烙法如何曰膿或汪洋欲出奈何皮厚肉深難穴者既前無內托之藥先致力于內後又不用烙以開竅膿何由出膿本肉腐所成皆挾毒熱之氣若久留肉腠

身形血
忌開

間則毒氣浸淫好肉亦化為膿腐此所以烙法有功于潰瘍也彼根淺而皮薄者何必假此以賣弄假法恐嚇而脇取利也

帝曰願聞身形應九野奈何岐伯曰請言身形之應九野左足應立春其日戊寅巳丑左脇應春分其日乙卯左手應立夏其日戊辰巳巳膺喉首頭應夏至其日丙午右手應立秋其日戊申巳未右脇應秋分其日辛酉右足應立冬其日戊戌巳亥腰尻下竅應冬至其日壬子

六腑膈下五臟應中州其大禁太乙所在之日及諸戊巳凡此九者善候不正所在之處所主左右上下身軀有瘡腫者欲治之無以其所直之日潰治之是謂天忌日也

身形應九野圖

右應立秋戊申右應秋分辛右應立冬戊戌
手巳未忌開膿脇酉忌開膿足巳亥忌開膿

膺應夏至
喉丙午日
首忌開膿
頭及諸戊巳
下及諸戊巳
五及諸戊巳
六應中州太腰
乙所在日尻
應冬至
壬子日
忌開膿

左應立夏戊辰左應春分乙左應立春戊寅
手巳巳忌開膿脇卯忌開膿足巳丑忌開膿

行年血
忌忌患
癰疽

消十歲二十二歲三十三歲七十三歲已上四人百神在
上部不可患癰疽發背見血者死申子辰年血忌餘年不
妨男女同

二十五歲三十一歲六十八歲七十四歲以上四人百神
在額不可患瘡腫見血者死

十八歲二十四歲三十五歲四十五歲五十六歲六十七
歲七十二歲八十九歲以上八人百神在兩肩隅不宜患
癰疽瘡腫見血者死

十二歲二十七歲三十六歲五十九歲六十六歲九十七
歲以上六人百神在中部不可患癰疽發背見血者死巳
酉丑年血忌餘年不妨男女同

三十二歲四十二歲五十五歲六十一歲以上四人百神
在肩背不可患癰疽見血者死

十九歲二十六歲四十九歲五十六歲五十七歲六十二歲八十歲九十一歲以上八人百神在肝肺俞不宜患癰腫見血者死

十一歲二十三歲二十四歲五十八歲九十六歲以上五人百神在脇肋不可患癰疽見血者死

十四歲二十九歲三十九歲四十六歲五十二歲六十歲六十九歲七十六歲八十一歲八十八歲九十五歲以上十一人百神在下部不可患瘡漏疾見血者死下部龙忌

見勞瘵人不宜下部出膿難瘥

十一歲十五歲二十七歲六十三歲七十五歲以上五人百神在尻尾間不可患癰疽見血者死

十三歲二十八歲五十二歲七十二歲九十三歲以上五人百神在足下不可患癰疽見血者死

二十一歲三十八歲四十一歲五十七歲以上四人百神在

遍身不可患瘡腫見血者不治

虛寒
接骨

凡發背及癰疽皆在背上不問大小有疼無疼或熱或不熱或冷或不冷但從小至大腫起至一尺已上者其赤腫

焮熱者即用緊急收赤腫藥圍定不令引開中心即用抽膿聚毒散貼之急令散毒外透內服排膿縮毒肉托湯藥

候膿成相次破穴看瘡大小深淺內發其膿汁膿水大泄急須托裡內補雖破穴膿汁不多再須排膿拔毒透後慎

不令再腫須疼止腫消患人自覺輕便即是順疾也最宜節慎飲食其熱毒方盛或發大渴多飲冷水及冷漿之類

此是毒氣攻心令口乾煩渴但以心氣藥內補臟腑即止矣

內補謂參芪之屬排膿謂皂角刺之屬

丹精要云凡疽疾勿食羊鷄牛鵝魚麵煎燂炙炒法酒等

味犯之必發熱只有梔子黃芩湯用之取効夫梔子黃芩湯犀角輔佐人參固可解食毒之熱若寒月與虛人寧無加減乎內經謂膏粱之變足生大疔此原癰疽之因也禁戒厚味蓋以厚味能引起宿火之熱此誠富貴養口腹者所宜謹守若素貧者大不然矣予治章兄背疽徑尺家貧待死而已視瘡穴黑深似有近內之意急作參芪歸朮膏飲三日略以艾芩湯洗氣息奄奄不可支持幸其身不發熱而可進飲食每日作餽飽大碗與之盡藥膏五斤餽飽多肉者三十碗瘡口漸合以其因肉與餽飽助氣之有益也

捨時從
証
六脈沉
數有力
宜隆冬
下

凡治病必察其下予從軍戊午年冬于武城縣有賈倉使父年踰六旬冬至後數日疽發于背五七日腫勢約七寸許不任其痛瘍醫曰視之膿成可開矣公懼不從越

脈微泄
瀉內陷
者雖盛
夏宜溫

三日醫曰不開恐變証生矣遂以燔針開之膿泄痛減以開遲之故迨三日變証果生覺重如負石熱如熯火痛楚倍常六脈沉數按之有力此膏梁積熱之變也邪氣酷熱故宜寒藥治之時月嚴凝復有用寒遠寒之或乃思內經曰有假者反之雖違其時以從其証可也與瘍醫議急作清涼飲子加黃連一兩五錢與之利下兩行痛減七分翌日復用前藥其証悉除月餘平復陳錄判母年七十餘歲忽冬至後腦出疽形如甌面大命瘍醫診視俟瘡熟以針出膿因怒答侍妾瘡即內陷凹一菲葉許面色青黃不澤四肢逆冷汗出身清時復嘔吐脈極沉細而遲蓋綠衰老之年嚴寒之時病中苦楚飲食淡薄已滌肥膿之氣獨存憔悴之形加之暴怒精神愈損故有此寒變也病與時同與瘍醫議遂制五香湯一劑加丁香附子各五錢劑盡

瘡復大發隨証調治而愈內經曰凡治病必察其下謂察時下之宜也諸痛痒瘡瘍皆屬心火言其常也如瘡盛形羸邪高痛下始熱終寒此反常也固當察時下之宜而權治故曰經者常也法者用也醫者意也隨所宜而治之可收十全之功矣至元壬午五月二十八日王伯祿年五十有七右臂膊腫盛上至肩下至手指色變皮膚涼六脈沉細而微脈證俱寒予舉瘍醫孫彥和視之曰此附骨癰開發已遲以燔針啓之膿清稀鮮次日肘下再開之加吃逆不絕彥和以丁香柿蒂散兩服稍緩次日吃逆尤甚自利臍腹冷痛腹滿飲食減少時發昏憤於左乳下黑盡處灸二七壯又處托裏溫中湯用乾姜附子木香沉香茴香羌活等分咬咀一兩半欲與服或者曰諸痛痒瘡瘍皆屬心火又當盛暑之時乾姜附子可乎予應之曰理所當然

不得不然內經曰脈細皮寒瀉利前後飲食不進此謂五虛况吃逆者胃中虛寒極也諸痛痒瘡瘍皆屬心火是言其定理也此証內外相反須當捨時從証非夫方辛熱之劑急治之則不能愈矣遂投之諸症悉去飲食倍進瘡勢溫膿色正彥和又與五香散數服月餘平復噫守常者衆人之見知變者智者之事知常而不知變因而取敗者亦多矣况醫乎哉守常知變豈可同日而語

托裡溫中湯治瘡瘍為寒變而內陷者膿出清鮮皮膚涼心下痞滿腸鳴切痛大便微溏食則嘔逆氣短促吃逆不絕不得安臥時發昏憤

- | | | | | |
|-----|----|----|-----|----|
| 羌活 | 乾姜 | 炮各 | 黑附子 | 四錢 |
| 益智仁 | 各 | 茴香 | 甘草 | 炙 |
| 沉香 | 各一 | 木香 | 陳皮 | 錢一 |
| | | | 丁香 | |

脾虛嘔
逆不宜
內托十
宜

按經曰寒淫于內治以辛熱佐以苦溫附子乾姜大辛
熱溫中外發陽氣自裡之表以為君羌活味苦辛溫透
關節炙甘草甘溫補脾胃行經絡通血脈胃寒則嘔吐
吃逆不下食益智仁沉香丁香大辛熱以散寒邪為佐
瘡氣內攻氣聚而為滿木香茴香陳皮苦辛溫治痞散
滿為使也

右咬咀都作一服水三盞生姜五片煎至一盞去渣溫
服無時忌一切冷物

丹一老人年七十患背疽徑尺餘已雜與五香十宣數十
貼膿血腥穢嘔逆不食者旬餘病人自云吃內托散隔甲
不安且素有淋病三十年今所苦者淋之痛與嘔吐不得
睡而已急以參芪歸朮煮膏以牛膝湯入竹瀝飲之三白
後盡藥一斤半淋止思食七日後盡藥四斤膿自湧出而

痛宜補
宜溫宜
和鮮之

得睡又兼旬而安一男子年六十餘性好酒肉背疽見
膿嘔逆發熱蓋其得內托十宣多矣醫以嘔逆於嘉禾散
中加丁香以溫胃行氣時七月大熱脈洪數有力予因謂
此脈症在潰瘍尤為息然形氣實只與人參膏和竹瀝飲
之盡藥十五斤竹百餘竿而安予曰此病幸安也不薄味
必再作仍厚味自若夏月醉後坐永池中又年餘左脇旁
生一軟塊如餅二年後軟塊為疽本人見膿血淋漓而脈
洪數有力又嘔逆食少遂自以人參膏入竹瀝飲之又百
餘竿而安今八十歲強健如舊此病兩以老年血氣弱專
服人參竹瀝而愈若與內托十宣散恐未能若是之安全
也

膿潰之後腫退肌寬痛必漸減而反痛者此為虛也宜補
之亦有穢氣所觸者宜和鮮之亦有風寒逼者宜溫散之

補者歸芪之類和解者乳香芍藥之類溫散者防風桂枝之類

權小娘瘡後右腿股生癰破後筋吊疼脈虛而瀉詢之小便時疼處亦相應宜與生血導熱

川芎

歸頭

條芩

生地

赤芍

牛膝

黃栢

甘草

青皮

檳榔

通草

桂皮

右煎食前熱飲之

滑後忌
五香飛
散忌大
黃下積

五香湯即五香連翹湯去射干大黃升麻連翹加參犀角若用于腫瘍循可借其飛走以攻散其毒使不延蔓若用于潰瘍雖多有參芪甘草之緩補而走泄太多寧不犯仲景已有得汗復汗得下復下重虛之戒不可省乎
精要云血氣聞香則行聞臭則逆又言飲食調令香美益

其脾土養其真氣夫甘而淡者可養脾土若香美者但能起火經以熱傷脾熱傷氣為戒今日益脾養氣若施之于腫瘍者似有暢達之益潰瘍後用香美恐有發濕執損真陰之患矣

精要云熱盛脈數與漏蘆湯單煮大黃等湯不甚執脈緩弱只投五香連翹湯夫熱盛脈數若腫瘍時臟腑秘而躰實者猶可與大黃若潰瘍後膿血出多者熱盛脈數去死為近其可下乎緩弱之脈古人皆以為邪毒已散五香之飛走升散其可用乎

膿出忌
追毒丸

精要云初成膿宜用烙得膿利為効亦服神仙追毒丸此又不能無疑者也夫追毒丸下積取毒之藥決無取膿之効今用烙而得膿若在裏之氣血壯實則膿自出如推矣何不以和氣活血之藥在參芪補劑使膿自托出乎

渴忌追毒丸

精要云瘡作渴甚急與神仙追毒丸取下惡毒與清腫湯萬金散五香連翹湯六味車螯散千金涌蘆湯皆可用下利已後渴尚未止宜用生津補氣藥則津液生氣血完渴自止矣夫太渴而與利藥非明示脈証何以知其當下後又言下利後渴又不止却用補藥又不明言脈証恐是但有大渴必與峻下下後尚渴方與補藥夫醫者治未病如此用藥可乎况渴屬上焦當腫瘍時猶或可用若潰瘍時渴恐因血氣之虛何以待下利後方議其虛哉

潰後咽痛忌琥珀犀角膏

精要論疽疾咽喉口舌生瘡歸罪於不得內托以致熱毒衝心與琥珀犀角膏夫于腫瘍時用之猶或近理若於潰瘍後用之彼犀角腦子之升散寧不助病邪致虛以速其死也即後有犀角散以大黄佐黃芪用黃芪則知其虛用大黄又似疑其有實熱夫瘡潰虛縱有舊熱將自漸因膿血而消何必以峻冷利動臟腑若在秋冬何異用刀劍耶

潰後寒熱忌正氣

精要論癰疽發寒熱多汗或先寒後熱或先熱後寒或連日作或間日作必先嘔痰然後寒熱寒熱解大汗出不可專以為有熱亦有氣虛而得者亦有因怒而得者又有先感寒邪脾氣不正而有此証者夫氣虛者當以補氣藥補之因怒者當以順氣藥和之脾氣不正者當以調脾藥養之今用不換金正氣散悉是溫散瀉衛之藥而欲以一兩入參收拾十四兩之瀉衛可乎若用于腫瘍時感寒邪者猶或庶幾彼氣虛者因怒者脾氣不正者此方能蕪治乎又未知用手腫瘍耶潰瘍耶

穴未合慎風濕

穴有孔慎風仍慎再合如再合者為風濕邪氣攻搏而再生膿宜如前以通和湯藥依次第用不可急性恐傷氣

害人之命也

無瘡瘍味谷風入為破傷風濕入為破傷濕二者害人最急倉卒不知其因甚難認治癰疽瘰癧潰後尤宜謹之

補氣血

精加味十全湯治癰疽愈後補氣血進飲食

黃芪蒸

地黃蒸

當歸

川芎

人參

茯苓

芍藥炒

白朮

陳皮各一兩

粉草炙

桂心

五味各五錢

烏藥七錢

右咬咀每服一兩用冰一椀生姜五片棗二枚同煎分作二服留查晒乾為末服之丹溪云加味十全湯須看年之老壯資之強弱証之緩急時之寒熱加減用之
丹加味十全湯治癰疽後補氣血進飲食實為切要蓋膿血出多陰陽兩虛非此藥何以回生起死惜其不分經絡

運氣

不載時令又在識者觸類而長之今之外科於瘡瘍腫平痛寬遂以為安漫不加省往往于結痂後兩三日或半年虛証乃見醫者不察病者不悟無補接調養之功因而轉成他病者惜哉予治一士夫因脚弱求診兩手俱浮洪稍鼓飲食如常惟言問不答肌上起白屑如麩片時在冬月予作極虛處治詢其弟乃知半年前曾于背臂腿三處自夏至秋冬節次生疽率用五香連翹湯十宣散與之今結痂久矣予為作參芪白朮當歸膏以二陳湯化飲之三日後盡藥一斤白屑沒者太半病者自喜呼吸有力補藥應効以漸而病家反怨藥不速應自作風病論治煉青礬石二錢半以青州白丸作料煎飲子頓服之予諫止不聽因致不救書以為警云
運氣癰自潰者惟土不及歲有之經曰土不及曰卑監卑

雜方

膏藥

監之紀其動蕩涌分潰癰腫蓋土不及則肉腐為癰腫故木化啓折乘之而膿涌分潰其癰腫也

東垣癰疽用藥加減法 如發背疔腫膿潰前後虛而頭痛者于托裏藥內加五味子 恍惚不寧加入參茯神 虛而發熱者加地黃瓜萎根 潮熱者加柴胡地骨皮 渴不止者加知母赤小豈 虛煩者加枸杞天門冬 自利者加厚朴 膿多者加當歸川芎 痛甚者加芍藥乳香 肌肉遲生者加白欵官桂 有風邪者加獨活防風 心驚悸者加丹砂 口目瞶動者加羌活細辛 一嘔逆者加丁香藿葉 痰多者加半夏陳皮

麥飯石膏在膿潰後圍瘡口

麥飯石 火煨醋焙十

鹿角 煨爛

白欵

右用麥飯石末二兩白欵末二兩鹿角灰四兩要研極

洗藥

細如不細反痛用好米醋入銀石器內煎令魚眼沸却入三味藥末用竹篦子不住手攪熬一二時稀稠得所傾出候冷以紙蓋每用時先以猪蹄湯洗去膿血搥乾以鷲翎拂藥塗四圍凡赤處盡塗之但留一小口如錢大以出膿血凡用瘡藥上又則藥乾勿令稠急須常用醋拂濕其藥初便一日洗換藥十日後兩日一換惡寒者不用

猪蹄湯治一切腫破消毒氣去惡肉凡瘡有口便用此湯

白芷

生甘草

羌活

露蜂房

黃芩

赤芍藥

川歸等

右為粗末看疽大小用藥如疽大瘡猪蹄兩隻只用白水三升煮軟將汁分為兩次澄去面上油併下面查却

將藥末投其中再煎十數沸去渣以故帛蘸藥湯溫洗
薄楷惡血惡肉隨洗而下洗訖仍避風忌入口氣吹之
又忌狐臭人月經人

去死肉 癰疽有死肉不壞者用白丁香霜梅深則紙之淺則乾
於膏藥上甚妙

海 又方膏藥內入雄黃巴豆少許不傷好肉止去惡肉不
惟惡瘡凡癰毒有惡肉者俱可去

又方雄黃散以雄黃一錢另研巴豆不去皮研如泥入乳
香沒藥少許再研細少上惡肉自去

保治惡瘡有死肉者及追膿

白丁香

輕粉

粉霜

雄黃

麝香

巴豆霜

右細末新飯和作錠子用之

丹治瘡疽攻腫息肉突出烏頭五枚苦酒三升漬三日洗
之日夜三四次古今錄驗

諸癰疽有肉凸出數寸者更于凸出瘡門求之

膏藥方

精神異膏治諸般惡毒瘡癰發背癰疽其妙如神

露蜂房

要用蜂兒多者為妙細剪爭一兩

全蛇蛻以鹽水洗淨焙乾半兩

玄參

去半兩

綿黃芪

二分

黃丹

五兩細後入

真麻油

一斤

杏仁

去皮尖切小片一兩

男子亂髮

洗淨焙乾如鷄子大

右件藥先將麻油入銀鈔中同亂髮于風爐上慢慢文
武火熬候髮焦鏽盡以杏仁投入候杏仁色變黑好綿
瀘去渣再將所熬清油入銀鈔內然後入黃芪玄參二
味慢火熬一二時取出鈔子安一冷風爐上候半時久
火力稍息旋入露蜂房蛇蛻二味將柳枝急攪移鈔于

火上不住手攪慢火熬至黃紫色用綿濾過後復入清
油在鉢內乘冷投黃丹急攪片時又移鉢子火上文武
火慢慢熬不住手用柳枝攪千餘轉候藥油變黑色滴
於水中凝結成珠子則是膏成就矣若珠子稀再熬少
時必候得所然後用瓷瓶內封收待用或恐偶然熬火
太過稍硬難用却入少蠟熬添麻油在內瓷瓶盛封蓋
於甌上蒸乘熱攪勻收而用之膏藥熬成了須用所盛
瓷器置淨水盆中出火毒一晝夜歇三日方可用熬此
膏藥極難於火候須耐煩看火緊慢火猛即藥中火發
千萬謹戒勿無出于此

垣熱瘡寒膏藥

當歸身水洗焙

黃丹研細

杏仁湯浸去皮

肥嫩柳枝三兩半切如

肥嫩桃枝一兩切作如 麻油斤一
右件先熬麻油熱下桃柳枝熬令半焦以綿裏當歸杏
仁同煎至柳枝黑焦為度去藥渣瀝油澄淨抹去鉢中
渣滓令淨再止令沸旋旋入黃丹熬成滴水中不散為
度

寒瘡熱膏藥

與寒膏藥同只將當歸身改作當歸稍桃柳枝分兩倒
過便是

欽瘡

劉氏貼發背癰疽膿盡四面皮粘恐有膿毒攻起宜用逼
毒散方

黃藥子

白藥子酪一

赤小豆二

雄黃一

右為末水調傳

治發背癰疽膿盡生肉平滿宜用緊瘡生肌青散子

槿花葉

盛時收陰乾取四兩為末

青赤小荳

白芨

各二兩

為末臨時用槿花末三錢七白芨小荳末各一錢七相和新汲水調攤紙上貼四畔中心瘡口不用貼

真欵瘡口方木香檳榔散用之決無疼痛以蠟油塗覆瘡上生肌欵肉甚速必無惡血瘡口疾合易取平復惟膏染熱瘡所宜用也貧人害地之寒濕外來寒瘡者禁不可用

木香

檳榔

黃連各等分

右為極細末依前調用濕則乾貼

治寒瘡欵瘡口藥

當歸身一兩洗淨晒乾

青皮二分

木香一分

黃連五分

右四味為極細末蠟油調塗取效甚速

保瘡口大者乳香散

寒水石

煨

滑石各一兩

乳香

沒藥各半兩

腦子許少

右各研細和勻少許摻瘡口上

撮桃紅散欵瘡口定痛辟風邪

滑石兩

乳香

輕粉各二錢

小荳粉一兩

寒水石煨三兩

右為細末乾摻口上一方改小荳粉為定粉

精有人患背疽已潰如碗面大視五臟僅隔膈膜耳自謂必死用大鯽魚一枚去腸臟以羯羊糞入其中烘焙焦黑極燥為細末乾摻之瘡口遂收至空無恙此方累用有效須候膿少欲生肌肉時用之

保又方治瘡口久不收

候膿少欲生肌肉時用之

小椒去目炒 定粉 風化硝二錢 白礬二錢
乳香 沒藥各一 右為末摻之

精生肌散

寒水石剉 滑石 烏魚骨 龍骨各一
定粉 蜜陀僧 白礬灰 乾胭脂各半

右為細末乾摻用之

平肌散治諸瘡久不斂

蜜陀僧煨 花蕊石煨 白龍骨各一 乳香研

輕粉各一

右為細末和勻乾摻

丹精要論癰疽久而瘡口不合其肉白而膿血少此為瘡口冷滯乃病氣血枯竭不潮于瘡遂致如此用北艾葉一把入瓦器內濃煎湯避風處乘熱用艾湯澆洗瘡口四圍

淨肉以絹帛拭艾葉乘熱澆沃一日一次洗了須避風仍燒松香以烟薰瘡口良久用神異膏貼之不可與厭穢之人見若不能禁已瘡口難安藥亦無效夫以血氣枯燥不知補接於內惟務熱洗於外不揣其本而齊其末而乃歸罪于冷滯大抵潰瘍宜洗若非行補接之藥以實其內竊恐淋洗有一時之快少頃恐病躰自覺疲倦有不耐煩之意非虛而何可不先議補接乎補接即參芪歸木之類是也
蘇亂髮蜂房蛇蛻皮各燒灰存性每味取一錢七酒調服
治瘡久不合神驗丹溪云髮補陰之功甚捷
丹收斂瘡口止有柳皮白斂煎湯飲之
靈眼白青黑眼小是一逆也內藥而嘔者是二逆也腹痛渴甚是三逆也項中不便是四逆也聲嘶色脫是五逆也除此五者為順也玉版篇

精癰疽破潰之後其形候有逆有順眼白青黑而緊小一
 惡也不能下食納藥而嘔食不知味二惡也腹痛渴甚三
 惡也肩背不便四肢沉重四惡也聲嘶色脫唇鼻青黑面
 目四肢浮腫五惡也煩躁時嗽腹痛渴甚泄利無度小便
 如淋六惡也膿血大泄焮痛尤甚膿色敗臭氣不可近七
 惡也喘粗短氣恍惚嗜臥八惡也味潰先黑又陷面青唇
 黯便汚者九惡也更有氣噎痞塞咳嗽身冷自汗無時眩
 目耳聾恍惚驚悸語言顛錯皆是惡証動息自寧飲食知
 味一善也便利調勻一善也神彩精明語聲清朗三善也
 膿清腫消色鮮不臭四善也脉氣和平五善也五善見三
 則吉諸惡見四必危

癰疽所兼諸證

滑熱毒方盛或發大渴此是毒攻心臟令舌乾煩渴也但

瘡局

以補心氣藥內補即止

羅竹葉黃芪湯治發背發渴通治諸瘡大渴

淡竹葉二兩

生地八兩

黃芪

麥門冬夫

當歸

川芎

甘草

黃芩

芍藥

人參

半夏湯洗

石膏各三兩

右為粗末每服五錢水一盞半竹葉五七片同煎至一盞去渣

盞去渣溫服無時虛渴者忌用不

金銀花散

金銀花四兩

甘草一兩

右為細末每服四錢水酒各一盞同煎至一盞去渣熱服

丹外科精要云疽向安後發渴與加減八味丸夫當此時血氣兩虛當用參芪補氣當歸地黃養血渴當有止何必

澤瀉茯苓導水佐以肉桂若忍冬丸黃芪六一湯等方切
當忍冬養血黃芪補氣渴何由作
○精忍冬丸大能止渴及療渴疾既愈之後須預防外癰疽
大宜服此

忍冬草不以多少根莖
花葉皆可用

右入瓶內以無灰好酒浸以糠火煨一宿取出晒乾入
甘草少許研為細末以所浸酒托麪糊丸如桐子大每
服五十丸至百丸無時酒飲任下

黃芪六一湯大治渴疾補虛必常服此藥終身可免癰疽
之疾

綿黃芪 去莖六兩一半生用一兩一半生
半鹽水潤蒸三次焙乾粉草一兩一半生

右為細末每服二錢早晨日午以白湯點服若飲芻益
用酒調尤妙

桑枝湯大治口乾取桑枝一小升細切炒香以水三大升
煎取二升一日服盡

五味子湯大治口燥舌乾此是腎水竭也

五味 黃芪去莖生用 人參去 麥門冬去

粉草炙半兩

右吹咀每服半兩水一盞半煎至八分去渣溫服無時
候一日二夜五七服妙

瘡嘔逆

外科精要云嘔逆有二証一証謂初發時不曾服內托
散伏熱在心一証謂氣虛脾氣不正而嘔伏熱在心與內
托散三兩貼氣虛而嘔宜嘉禾散有寒熱宜家傳正氣散
兼與山藥丸以補腎謹按病機諸逆衝上嘔越皆屬於火
其內托散性涼固有降火之理若嘉禾散羣隊以為補虛
之劑補力已少徒有溫煖助火耳山藥丸補腎以壯下焦

之陰粗為近理然治嘔須分先後腫瘍時當作毒氣上攻治之潰瘍後當作陰虛補之若年老因疽潰發嘔不食者宜用參朮白朮膏峻補取効佐藥隨時隨証加減恐用山藥丸緩急未易得力河間謂諸病瘡瘍如嘔者濕氣侵于胃也藥中宜倍加白朮

咽瘡
重瘡

丹溪治一老人背疽嘔逆用補藥効方見潰瘍門予治一男子腫瘍嘔諸藥不止用獨參湯一服嘔即愈

犀角膏治咽喉口舌生瘡昔有一貴人因疽而生此証醫者以為心臟絕盡皆辭退愚進此藥一日而安

真琥珀 研

生犀角 各一辰砂 研

茯神 去木各

真腦子 研

人參 去

酸枣仁 去皮研

右人參茯苓犀角為細末入乳鉢內別研藥味和勻用煉蜜搜為膏子以瓷瓶收貯俟其疾作每服一彈子大

以麥明冬去心濃煎湯化服一日連服五服取効此方不宜用瘡

瘡泄瀉
逆冷

消治發背癰疽膿潰後氣虛脾臟滑泄并四肢逆冷宜用和氣散

蒼朮

四兩米泔浸三日洗淨晒乾再以米醋炒令香黃色

甘草 炙

青皮

去穢各一兩良姜 炒

肉桂

乾姜 炮各半兩

陳粟 升

右七味為末每服一錢用炒茴香末半錢相和溫酒調下不拘時

瘡血出
不止

垣聖愈湯治諸惡瘡血出不止以寒水石細末摻之立止或瘡時作黑色不可潰也藥力去盡却紅和如血出多而心煩不安不得眠睡此亡血也此湯主之

熟地

生地 各三錢

歸身 半錢

川芎 二錢

黃芩五分 人參三分

右咬咀如麻苳大都作一服水盞半煎至一盞去渣稍熱服無時

瘡腫肉

梅治背瘡肉長疾皮不及裏見風即成僵以寒水石燒研為細末傅瘡上再用銅綠細末上之肉即不作僵矣

瘡毒急
牽陰入
小腹

圖經古方療惡瘡腫腫或連陰間疼痛急牽入小腹不可忍一宿則殺入者用茴香苗葉搗取汁一升服之日三四用其滓以貼腫上冬中根亦可用此外國方永嘉以來用之起死神效

味辛 久漏瘡

虛寒

漏瘡須先服補藥以生氣血即參芪木歸苓為主大劑服之外以附子末唾和作餅如錢厚艾炷灸炷隨漏之大小便灸令微熱不可令痛乾則易之乾者再研為末再

寒

和再灸如困則止來日再灸且至肉平為效亦有用附片灸仍用前血氣藥作膏藥貼之

經云肉之大會為谷肉之小會為谿肉分之間谿谷之會以行榮衛以會大氣邪溢氣壅脈熱肉敗榮衛不行必將為膿內銷骨髓外破大膿留于節湊必將為敗積寒留舍榮衛不養肉縮筋助肘不得伸內為骨痺外為不仁命曰大寒留于谿谷也此用附子灸者蓋此義也梅師云腎移寒于脾發為癰疽少氣脾移寒于肝發為癰腫拘攣又云諸癰腫此皆安生岐伯曰生于八風之所變也又云地之濕氣感則害人皮肉筋脈聖濟云衣服之表易着寒所得之源大拘如此或發不變色或堅硬如石或捻之不痛久則然後變色疼痛漸熨而成膿如泔而稀又不能差瘡口不合變易為疔漏敗壞肌肉銷損骨髓以致

痿跛宜以此骨碎補丸主之

骨碎補

補骨脂

熟地

當歸

續斷

石楠

石斛

牛膝

杜仲

畢解

附子

芍藥

川芎

兔絲子

沙參

羌活

防風

獨活

天麻

黃芪

此方與大倭方相表裏各等分爲末煉蜜丸空心鹽湯服

陽氣者精則養神乎則養筋開闔不得寒氣從之乃生大倭宜用

羌活

防風

細辛

附子

甘草

川芎

續斷

白芍

白朮

當歸

桂心

麻黃

黃芪

熟地

此方與前骨碎補丸相表裏

管氣不從逆干肉理乃生癰腫陷脈爲痿留連肉腠腠氣化薄傳爲善畏及爲驚駭全文見陰陽門

精桂附丸治氣漏諸瘡

桂心

附子

炮裂米醋中浸再炮三五次去皮臍

厚朴美製

粉草炙

白米

各一兩

乳香研二錢

右爲細末煉蜜丸如桐子大空心米飲下二三十九丹溪云精要治冷漏諸瘡與桂附丸此冷只因瘡久不愈風冷乘之血氣不朝而成也厚朴雖溫其濕鬱尤速恐不若參芪佐以陳皮燕平與病情相得此方治冷漏瘡若寒而虛者只以加味十全湯隨時令經絡加減用之爲當又虛甚者且參芪歸木膏

陷脈散治漏瘡及二三十年癰瘡或大如盂蓋又久不瘥致有漏潰令入骨肉消盡或堅或軟或潰令入驚惕卧寐不安寐中掣痛愈而復作

風乾姜 炮 琥珀 研 大黃 附子 炮去皮 各一兩
丹參 三 石硫黃 研 白石英 研 鍾乳粉 研

烏賊骨 研各半兩

右為末貯以篋合葦囊勿令泄氣若瘡濕即傅無汗即煎猪脂和傅之以乾為度或死肌不消加芒硝二兩益佳一法胡燕巢一枚

攻裡

于和小渠袁三因強寇入家傷其兩脛外廉作瘡數年不愈膿汁常消消然但飲冷則瘡間冷水浸滲而出延為濕瘡求治戴人曰爾中焦當有綠水二三升延數掬袁曰何也戴人曰當被盜時感驚氣入腹驚則膽傷足少陽經也

兼兩外兼皆足少陽之部此膽之甲水受邪日水色青當有綠水少陽在中焦如瀉既伏驚涎在中焦飲冷水咽為驚涎所阻水隨經兩旁入瘡中故飲水瘡中水出乃上湧寒痰汗如流水次下綠水果二三升一升而痲乾真可怪也

嘗治足膝下至踝漏瘡通足腫大於好足二倍行步不全用五龍丸大下之者六番每番皆五七行下後用黃柏蒼朮芪芍地草升葛星半牛膝活石桂調之近三四個月而安

發表

丹治漏瘡

川芎 研

細辛 二錢

白芷 稍半 甘草 細末

右每白作湯服上瘡食後下瘡食前看瘡孔大小用隔年蕪麻根刮去粗皮槌軟熬成繩子熬入孔中至不可

雜方

久則止日淺一日瘡用好膏藥貼之
本草治瘰有頭出膿水不止以啄木鳥一隻燒灰酒調服
一錢七立瘥

效欽瘡
口方

世神應膏治久漏瘡此宋褚防禦治埋宗久漏瘡諸方不
效獨此膏愈之如腸毒胃毒為先服之神效

當歸一兩 赤芍藥 大黃各一兩 香白芷
官桂各一錢 女參三錢 川續斷一兩 莪朮一兩
生地二錢

右九味細剉用真香油二斤浸春五白夏三白秋七白
冬十日入鍋內以文武火煎令黑色濾去渣如熟天用
黃丹廿兩冷月十五兩旋旋下丹不住手攪試水中沉
為度不可令婦人雞犬見如漏有孔者以膏送入孔內
外仍以膏攤貼之

海桐榔散治癰疽瘡癤膿潰之後外蝕風寒腫焮膿硬濃
水清稀出而不絕肉腠空虛惡汗臭敗瘡邊干及好肌不
生及瘰癧癩惡瘡浸潰不斂方見瘡瘍欽瘡白藥即木香
煨榔黃連等分為末敷貼也

丹治漏外寒藥

蘆甘石 童便 牡礪粉

右為極細末傅之

濟烏金散貼惡瘡疔瘻

椽料子二個內一個實黃丹一個實白礬末相合定
用黑稍麻皮纏了火內燒研細加麝香少許洗淨瘡
貼之

垣截疔散治年深疔瘻瘡

黃連兩 白斂 白芨 黃丹各一
輕粉錢 龍腦 麝香另研各 蜜陀僧一兩

取骨

右為細末和勻乾摻在經上以膏貼之

取黑骨雞脛骨上等砒霜實之鹽泥固濟火煨通紅取出地上出火毒去鹽泥用骨研細飯丸如粟米大以紙撚送入孔竅內更用膏藥貼之

本雄黃治瘡瘍尚矣周禮瘍醫凡瘡瘍以五毒攻之鄭康成註云今醫方有五毒之藥作之用黃蠶置石膽丹砂雄黃礬石磁石其中燒三日二夜其烟上着以鷄羽取之以注創惡肉破骨則盡出楊大年嘗記其事族人楊偶年必時有瘍于頰連齒輔車外腫若覆甌肉潰出膿血不輒吐之痛楚難忍療之百方彌久不瘥人語鄭法依法制藥成法之瘡中少頃取朽骨連兩牙潰出遂愈信古方攻病之速也黃蠶即瓦盒也

針灸 東 又漏瘡

足內踝上一寸灸三壯 如在上者肩井 鳩尾

診 肺脈微緩為痿痿 緩者多熱 文見治虛寒法

雜方 垣瘡醫自切至老凡所經驗必須寫之嘗記疔瘻惡瘡諸藥不效者取蟻蟪剪去兩頭安瘡口上以艾炷灸之七壯一易不過七枚無不效者又法用乞火婆虫兒灸之同前法累驗神効人皆秘之往往父子不傳

